


復縣志畧

王永江題



田賦表

復邑田賦在前清時縣署僅徵民糧民國三年實行劃一田賦所有旗署糧額始悉數移交縣署徵收茲將民旗各種地畝名稱等則糧額按照民國六年度分別詳列左方

名	民冊	加賦	民餘	伍田	清賦	隨缺	清賦	荒地
稱	米地	租地	租地	地	地	地	地	地
則	上	上	上	上	上	上	上	中
別	則	則	則	則	則	則	則	則
糧								
額	六三、六七、四、九四	一九五三、八二	四三、三〇	八六七、三〇	一四、七、七	六〇、五、一〇		六〇、一、七

復縣志略 田賦表

清賦熟地中則

三三五三九、二三

民人餘租地中則

六八、一三六、三二

民典旗人餘租地中則

四六、三〇、三七

暫租地中則

一、八四五、二二

伍田地中則

六、一八八、五〇

隨缺地中則

五、九一四、三〇

充公地中則

一一二、〇〇

民冊銀地下則

六三、一六九、五八

全徵銀地下則

八三八九四、一一

充公地下則

六五、〇〇

清賦荒地地下則

三、一〇二、一〇

旗冊米地下則

二七四九六六、一一

民餘租地 下 則 五七九二

陳滋生地 下 則 二五二九八一

新滋生地 下 則 一〇七四七〇

旗井科地 下 則 五八五三一九

旗餘地 下 則 七一三三六五五

伍田地 下 則 一〇四〇二七〇

隨缺地 下 則 一七九二三五〇


清賦荒地 地 沙 城 二五四〇五〇一

伍田地 地 沙 城 二五四八九六〇

隨缺地 地 沙 城 三一、一八六、八〇

充公地 地 沙 城 四八〇〇

統計 八四、五、七六、一〇二



常關表

關津之掌讖征之司權政所先國家之要職也民國以前設置未備茲據最近規制表以列之

設
年
月

就前清原有之戶部稅於民國二年改稱常關隸屬山海關監督設局分	局卡名目	駐在地點	委費局長姓名籍貫	更替時期與名稱改易
蓋復常關稅局	復縣娘娘宮	<small>局長駐此</small>	張叙堂直隸	民國二年二月到差稱委員
分卡	煤窰五湖嘴		劉瑞理安徽	民國二年七月到差
分卡	熊岳北門外		馬華亭直隸	民國三年二月到差
分卡	蓋平縣南關		劉瑞理安徽	民國三年七月到差改稱局長
分卡	永甯澗謝屯		劉譽驥浙江	民國六年二月到差
分卡	老古峪瓦房店		吳文湘江西	民國六年七月到差

卡司收關稅

分

卡復縣城南老爺廟

文純錫奉天

民國六年七月到差

孫振香奉天

民國六年八月到差


備

查蓋復常關年收稅額數約大洋四千餘元總局分卡計共七處
民國二年改革後蓋平復縣分別設局各派委員辦理三年以還
始行歸併為一定名為蓋復常關稅局設局長一員總司其事仍
以娘娘宮為常駐地其餘各分卡由局長派人經收之

考

稅捐分局表

名稱	地址	設立年月	歷任委員姓名	更替時期	歷年收數
復縣稅捐分局	復縣城裡	光緒三十四年	孫士敏	宣統二年八月	一〇、九三四、九六〇
			王峻樓	宣統三年六月	一四、五六七、九八〇
			郭業庭	宣統四年五月	九、八五六、七九〇
			劉廷璠	民國元年二月	一〇、九七八、五〇〇
			王世卿	民國二年七月	一六、五六一、八九〇
			余瑛	民國三年八月	一三、二九七、八七六
			于洪年	民國四年九月	一〇、六九五、七八〇
			王楨	民國五年九月	一一、九六五、九六〇
			王珍	民國六年十月	一二、三七八、五〇〇
				民國七年	一四、六五〇、〇〇〇



地方收捐處簡明表

名稱	地址	成立年月	年度	收入數	支出數	紀事
收捐處	縣署	前清宣統二年二月	統二年	一八四三六	二八四三六	地方畝雜各捐向由縣署專委收捐員一名經理其事宣統二年張忠義充任三年三月王舜臣接充民國二年三月李萬順接充三年三月曲宗泰接充四年六月朱紫雲接充五年五月吳富華接充是年八月復改委宋玉善接充六年二月召集農商學各
			民國元年	一三二〇四	九七四四五	
			二年	一三二二一八	一四三三一九	
			三年	一〇三三七七	一一一九七七	
			四年	二一八二五四	一七七四八三	

復縣志略

地方收捐處表

七年	六年	五年
一五九七八四五一六〇一六三〇七	一五九六〇四一四六九一四	一四六一九九一八七五二三
界及前兩級自治正副議長 鄉董佐等用投票法選舉張 祖詒接充九年二月屆三年 任滿遵章改選仍以張祖詒 當選連任		

新契紙價註冊費大洋

六〇四六、三五八

商租契紙費大洋

三〇五〇

剪稅大洋

五五六、〇二〇

印花稅大洋

五〇七六、七四〇

清賦地價大洋

五三七五〇

清賦經費大洋

四二〇八八、四八〇

官房租小洋

一三〇、〇〇〇

省公債大洋

九〇、六〇〇、四一〇

由廳給領之款
縣署廉公費大洋

一一、八八〇、二〇〇

縣佐廉公費大洋

二、八八〇、〇〇〇

就地抽收之款
警學款捐小洋

一四六、七〇二、五六二

保衛團經費小洋

二五、六二七、七八二

雜

款

車牌

捐小洋

五三八〇〇〇

雜

捐小洋

七、六九九、三三三

菜園

捐小洋

四三五、七五〇

自治附加

捐小洋

一、二八二、四二二

合

大洋

二七四、八〇五、九五八

計

小洋

一九八、七八二、八四八

歲出部

總

目分

目幣別實

支

數目

起解各款

田賦正款

大洋

六四、二四二、六三〇

田賦經費

大洋

五〇、二四、二六〇

田賦票費

大洋

三五八、一五五〇

田房契稅戶管執照工本

大洋

四〇、九五三、四三〇

復縣志略

財政歲入歲出表

二

官契紙費大洋

二七五、四六〇

新契紙價註冊費大洋

五、六九二、〇七四

高租契紙費大洋

三、〇五〇

剪稅大洋

五、三六〇、二〇〇

印花稅大洋

四、二七八、九〇四

清賦地價大洋

三、三、七五〇

清賦經照費大洋

二、四、五五二、五九〇

官房租小洋

一、三〇、〇〇〇

省公債大洋

八、六、一六〇、六二〇

畝雜捐一成小洋

一、五、八九七、四八九

車牌鑄本經費小洋

八〇七、〇〇〇

官廳用款行政俸公費大洋

一、四、七六〇、二〇〇

徵收錢糧經費大洋

一四〇〇、〇〇〇

官契紙經費大洋

一八三、六四〇

新契註冊經費大洋

三五四、二六四

印花經費大洋

七九七、八三六

清賦經費大洋

一七、五三五、八九〇

省公債經費大洋

三、〇二〇、〇一四

警團用款 警察事務所支款小洋

七七、二〇〇、〇〇〇

保衛團經費小洋

一四、四〇一、八八八

警察隊經費小洋

九、二八一、〇三〇

警官補習服裝費小洋

七九、五〇〇

警團郵金小洋

六〇〇、三六五

收捐處經費小洋

二、九六七、六八八

屠獸場經費小洋

八二八、五〇〇

學務用款
勸學所支款小洋

四七、四二五、六四〇

教育會支款小洋

二四〇、〇〇〇

農商用款
農會經費小洋

七二〇、〇〇〇

商會經費小洋

四八〇、〇〇〇

雜項用款
國慶紀念運動會費小洋

一三一、二四〇

祭祀費小洋

三一、六六六

交涉費小洋

六〇〇、〇〇〇

嗎啡鴉片療養所經費小洋

四八〇、〇〇〇

合計
大洋

二七三、三八六、一八二

計
小洋

一七二、五八三、〇〇六

物產表

復縣一海濱斥鹵土地饒瘠之區方物所登無珍奇環異之品茲就地方所產考而列之如下表

動物	別類	別名	稱備	考
禽	家	禽	雞	常產 其卵行銷外境為數頗鉅
		鷺	鴨	常產
		鴿	鴨	常產
	野	禽	雉	常產
		鷹	鷹	常產
		鳧	鳧	常產
		鳩	鳩	常產

鵲 常產

啄 木常產

布 穀常產

家獸 馬 常產 有少數行銷外境

牛 常產 有少數行銷外境

驢 常產

騾 常產

羊 常產 其皮毛均不足地方需用仰給於鄰境時為多

貓 常產

鼠 常產

犬 常產

豕 常產 有少數行銷外境

野獸

常產 惟因境內山林甚少所出無多

貉

常產 同上

獾

常產 同上

兔

常產 同上

狼

常產 同上

海狗

於一名腥狗係獸而水居者出自南海一帶鄉民每於春冰將泮時冒險取之蓋特產也

鱗屬銀

刀海產 本境漁戶多至四百餘家零星不等未設專場魚網大小不一百五十盤左右因水量

之深淺定出魚之多寡年收約一千七百元現正講求治魚良方俾期暢銷鄰境

偏口

同上

鼓子

同上

麵條

同上

轆子

同上

塌板同上

魷魚同上

鮫同上

鮫同上

鮫同上

鯊同上

鮎同上

鯽魚

介屬蝦
河海均產之有大蝦一種出自長興島

蟹
河海均產之時屆八月河蟹最佳

鼈
河產

蛤
河海均產之珍珠河所出珍珠蛤一種尤為特產

煙

海產

墨

魚海產

一名烏賊魚又名鱮魚俗呼為墨斗

海

螺海產

拔

索海產

蝦

爬海產

海

參

海中特產他處四翅獨長興島有五翅製自漁戶經日光晒乾烹餅時預煮至八九鐘其翅明亮而肥厚曾得北京展覽會二等獎

蟲類

鄉民對於蠶桑之利尚能講求錢路迤東地多山繭因利乘便養蠶之戶尤多

蜂

本境無以取蜜為業者其餘昆蟲如蟬蟻蛙蛇蚊蚋促織蜻蜒蝴蝶蝙蝠蜘蛛等物產同他處表畧之

植 物 穀

包

米

本境歲產約六萬餘石運銷娘娘宮普蘭店瓦房店皮口等處

高

糧

俗稱紅糧本境歲產約二萬餘石裝運普蘭店行銷

稻

米

俗稱粳子有水旱二種以松樹驛一帶水產者為佳

扒

豆

常產

糯
米
常產

麥
有大麥小麥蕎麥三種唯蕎麥不論地質肥磽均可生長

稗
常產
種者日少

穀
子
常產

芝
蔴
常產

元
豆
本境歲產約二萬餘石裝運普蘭店等處

黑
豆
常產

黃
豆
常產

青
豆
常產

綠
豆
常產

小
豆
有紅皮花皮白色三種本境用製粉條或和以煮飯煮粥日人喜購之

蔬
菠
菜
常產

韭
菜常產

葱
常產

蒜
常產

菘
菜俗名大白菜食之甘美味異他處邑西南關所產尤佳

蘿
蔔春秋兩季皆有之其色不一

芸
豆常產

菜
豆常產

辣
椒常產

茄
子常產
有紫白二色

芹
菜常產

芥
菜常產

甘
藷俗呼地瓜有紅白二色

芋
常產

梅
豆
常產

馬鈴
諸俗名
地豆
日人喜購之

山
藥
常產

香
菜
常產

苘
蒿
常產

薤
常產

海青
菜
海產
其色甚明
味頗鮮美

海白
菜
海產

龍鬚
菜
海產

瓜
王
瓜
常產
夏日盛收

香
瓜
常產
熟於夏秋之交

復縣志略
物產表

果

西瓜
瓜常產
新秋成熟

玉瓜
瓜常產

菜瓜
瓜常產

冬瓜
瓜常產

倭瓜
瓜常產

絲瓜
瓜常產

絞瓜
瓜常產

南瓜
瓜常產

桃
有白血胡毛秋扁六種
種類甚繁出產至富運銷外埠者以尖把梨為大宗

梨
有甜酸二種

杏
有甜核苦核二種本地土性最宜

葡 萄 有牛乳無子粒龍眼雞心等種惟牛乳無子粒二者為佳

山 查 有白紅二色

棗 常產

櫻 桃 常產

山 梨 紅 常產

桑 甚 常產

榛 產於鐵路迤東一帶

栗 種植不易出產無多

核 桃 同上

白 果 同上

花 紅 同上

蘋 果 同上

木

石榴 同上

無花果 同上

海棠果 雖非食品其香撲鼻

落花生 分大小二種縣城西北土性最宜出產既多銷路亦廣

楊 常產

松 常產

柏 常產

柞 常產
一名橡樹宜於山地上人植之用其葉以飼蠶

柳 常產

榆 常產

桂 即木樨秋日開花有黃丹之色所產無多

槐 常產

東北境山產他處甚少

榉

常產

桑

同上

棗

同上

杏

同上

桃

同上

梨

同上

樞

同上

櫻桃

有黃紅紫白四色秋分時分根栽種灌漑喜用黃酒本境土性最宜

花

牡丹

俗稱刺梅菊

玫瑰

常產

荷花

香同產

丁香

石	榴	同上
薔	薇	同上
蘭	同上	
玉	簪	七月開花
牽	牛	秋日開花形如喇叭有紫藍二色
月	季	常產
芍	藥	五月開花有黃白紅紫四色
鳳	仙	俗名假桃花
水	仙	正月開花
海	棠	常產
葵	常	產
菊	種	類甚繁

雞冠 六七月開花

芙蓉 七月開花與南方天氣不同

仙人掌 多年開花一次

草 石竹 青幹紅節細葉生於山中

蘆葦 常產

葦 同上

蒲 同上

萍 同上

藻 同上

麻 土性不宜製造失法故民所用仍自遠方購來

苧麻 常產

艾蒿 同上

巴麻子常產

海帶草常產

藍靛常產

淡巴菇常產

俗名黃煙出產甚少

棉花
土性適宜惟種植未廣獲利尚微

藥
蒲公英
俗名罍罍釘土性不甚相宜

枸杞常產

桔梗同上

防風同上

荆芥同上

牛黃同上

地丁同上

白
歙
同上

柴
胡
同上

黄
芩
同上

沙
参
同上

丹
参
同上

苦
参
同上

棗
仁
同上

瓜
婁
同上

花
粉
同上

干
科
同上

無
名
異
同上

桃
仁
同上

製造物 _附	用料	牛毛氈	牛皮烏拉	膾膾	益母草	地骨皮	五加皮	蒼朮	扁蓄	巨麥	赤芍	杏仁	紅花
		常產	為農民常著之履出售鄰境銷路甚廣	<small>一名海狗背有滋補之益海狗產長興島海灣為地道罕物海開冰裂時立春後十八日產應冰上土人計期羅水追捕冒險取之</small>	同上	同上	同上	同上	同上	同上	同上	同上	同上

羊毛 常產

羊絨 常產

魚膘 常產
白色甚黏

繭絲 常產

繭紬 常產

山繭 為歲產大宗秋後商民運銷烟台等處

豆油 常產
暢銷大連各埠

豆餅 常產

附

據調查本境全年出口物產青豆約一萬五千石紅糧約二萬二千石豆餅約十萬五千片
豆油約十萬二千斤山繭約百萬零五千籠入口貨物東洋大布約二萬五千疋洋紗
約一萬三千件糖約二萬一千包麵粉約十萬五千袋美國煤油約二十萬三千箱南省
海紙約五萬五千塊姑并錄之其鑛鹽兩宗別有表

考

柞蠶畧 附圖

柞葉飼蠶得絲為復縣之一種特產

柞字異音同即古所稱桑柞者是也許慎說文曰柞桑屬崔豹古今註曰桑

實曰甚柞實曰佳又蠶書載柞葉飼蠶為絲中琴瑟絃是其證也今山左遼東人通呼作柞蠶蓋以一音之轉而誤耳 產柞地方均在

縣城以東自一區東北境起迄三四兩區界止其間山嵐綿亘產柞尤多約

距縣七十里或百八九十里不等居斯土者多以養蠶為生計近由農會

提倡種柞故柞嵐較昔漸廣蠶事日見起色茲調查春秋二季飼蠶方法條

列於下以供育蠶家參攷焉

(甲)關於春蠶者

(一)飼料 柞蠶以柞葉為飼料立夏節後春蠶產生其時柞始萌芽不足供

飼故放蠶之戶預備養蠶每值穀雨節後通將一二年生之柞樹枝幹俗稱

芽科酌量砍伐移植山澗向陽之暖水溝內令其早生嫩葉接濟蠶食迨

旬日後此項食料用盡山場之柞葉已可飼蠶然後將蠶再由芽科分放

於山場五六年生之柞樹上緣葉就食此時飼料自無缺乏之虞故一二年生之芽科特用以補助一時之飼料非普通所論春蠶飼料也

(二) 飼具 每當春始各蠶戶紛紛伐取樹條編製飼具以備蠶蛾產卵其中

蓋此項飼具不能預為製備必待交春後樹條發有生機然後取而編製

俾蠶卵附着吸取水分易於生長惟飼具編製不一或用稍條爾雅釋木梢權郭

璞註曰本無枝柯稍權長而殺者或用柳條筐之大小形式亦無一定普通編法大抵以

稍條編成橢圓形者居多筐徑約二尺五六寸深約一尺許至裝蛾若干

不能拘定因蛾之產生非同一時期隨生隨裝以裝滿為度若於一次裝

入每筐約裝二百餘蛾為適宜此外尚有放蠶人各持剪一把巡視山場

柞樹如見有蠶多葉少不敷蠶食之樹則用剪將葉及蠶一併剪下盛於

筐內移置葉多蠶少之柞樹上故飼具中以剪為最要物品云

(三) 成熟次序 春蠶出於秋繭各蠶戶於秋繭成後前往山場將蠶種選定

持歸存故溫度適宜之處待來春穀雨節後將繭取出懸挂溫暖之炕上或向陽當風處約立夏節前蛾即破繭而出蠶戶此時將蛾之雌雄置一筐內為之配合名曰配蛾但配置須於夜間蛾之清醒時筐上並須加以覆蓋一筐祇可置雄蛾一百雌蛾七八十經過一晝夜後約配成熟然後啟筐將雄蛾取出祇留雌蛾於筐內產卵筐底墊以紙片俾免所產之卵由筐隙遺出卵現微黃色迨六七日後孵化黑色小蠶其形似蟻故俗稱黑蟻子遂將蠶筐移至栽植之芽科處用青蒿將小蠶掃置於芽科上其蠶自能緣葉就食旬日後再放於山場之柞樹上經過三眠最晚四眠大約夏至節前後便能吐絲作繭自出蛾以至成繭先後日期不過兩月餘耳

(乙)關於秋蠶者

一飼養法 秋蠶出於春繭不須預備飼料及飼具祇將配過之母蛾以養

草未詳何草姑從土稱作線每線拴兩蛾懸挂於柞樹枝上即能緣枝產卵至六七

日後其卵自能變蟻就食

(二)成熟次序 自小暑節後配蛾產卵以至化蟻就食大約秋分節前後即可成滿合許日期與春蠶相似

鑛產表 其一

鑛類	鑛類	鑛類	鑛類	鑛類	鑛類	鑛類	鑛類	鑛類	鑛類
產地及面積	五湖嘴裴家屯面積五百畝	五湖嘴裴家屯面積二百八十畝	五湖嘴裴家屯面積二百八十畝	五湖嘴裴家屯面積二百八十畝	五湖嘴裴家屯面積二百八十畝	五湖嘴裴家屯面積二百八十畝	五湖嘴裴家屯面積二百八十畝	五湖嘴裴家屯面積二百八十畝	五湖嘴裴家屯面積二百八十畝
發現年月	民國五年三月	民國五年三月	民國五年三月	民國五年三月	民國五年三月	民國五年三月	民國五年三月	民國五年三月	民國五年三月
地主姓名	李豐舉	王德詒等	王德詒等	王德詒等	王德詒等	王德詒等	王德詒等	王德詒等	王德詒等
已未開採	已	已	已	已	已	已	已	已	已
鑛商姓名	曲宗泰	孫以極	孫以極	孫以極	孫以極	孫以極	孫以極	孫以極	孫以極
辦理性質	以人力採出分銷內外地方專供燃料	以產出粘土製	以產出粘土製	以產出粘土製	以產出粘土製	以產出粘土製	以產出粘土製	以產出粘土製	以產出粘土製

復縣志略

鑛產表其一

粘 土	白 雲 石	石 灰 石	灰 泥 石	石 灰 石	弗 石	粘 土	鉛
潘家窰等處 面積三百七十畝	三區王家屯 面積八十四畝	一區韓家廟等處 面積四百八十八畝	大龍口孫家屯 面積二百五十畝	李家莊等屯 面積五百畝	戰家屯 面積二百七十畝	徐瓦房東荒 面積五十七畝	化銅溝東小關家屯 面積八十畝
民國六年十月	民國六年八月	民國六年七月	民國六年七月	民國六年六月	民國六年六月	民國五年土月	民國六年一月
潘紹邦等	王忠科 王鑫厚等	富德宮 宮永令等	李有連等 李有蓉	于守財等 于永財	戰連喜等 戰連枝	呂賡春	闕永生 闕永英
未開	未開	未開	未開	未開	未開	已開	已開
喬鳳鳴	潘性善	張同劬 李信	孫天發	孫雲和	宮式青	于冲漢 日人鑛田彌助	吳葆光
						鞍山鐵鑛自採用 備建築鑛廠	

白雲石

馬家屯
面積六十畝

民國六年十月

馬成白未

開邵穎年

白雲石

史家屯
面積六十二畝

民國六年十月

徐明春潘大
福王金田

未

開孫以棣

粘土

趙家歲子
面積六十畝

民國六年十月

趙德潤
趙德成等

未

開王植銓

粘土

丁家屯小珠山
面積五十五畝二分

民國五年十二月

孫寶仁李國翰
劉萬盛曲岳東
張履安等

未

開劉萬盛

弗石

東葦塘屯
面積七十七畝

民國六年十月

金守誠等未

開于昭麟

粘土

呂家屯
面積一百一十畝二分

民國六年十月

自產未

開徐作安

粘土

五湖嘴趙家屯等處
面積一百零八畝

民國六年十月

自產未

開賀銘三

鉛

娘娘廟東張
家窰南山銀坑
面積五十一畝

民國七年二月

張德士已

開鄒丕承

復縣志略

鑛產表其一

煤	鐵	鐵	粘 土	石 灰 石	鐵	粘 土
大姑子廟等地方 面積一千零三 畝六分七厘一毫	甕城子山等地方 面積三百三十八畝 五分四厘二毫	桃子山等地方 面積二百六十五畝	五湖嘴李家屯等處 面積六十六畝二分	轉角房等處 面積五十畝	羅家屯及蓋平縣 許家屯等處 面積四百六畝八分三厘毫	五湖嘴朝海庵小 李家屯等處 面積八十五畝
民國七年二月	民國六年七月	民國六年五月	民國八年三月	民國八年三月	民國八年四月	民國八年七月
			王恩海	徐丕安		
查覆尚未 給照開採	查覆尚未 給照開採	查覆尚 未核准	未 開	未 開	未 開	未 開
周文富	周文貴	王庶旃	李國翰	甯金豐	周文貴	王成義

鑛產表 其二

鑛

類發

現

地

點

玉

石姚家嶺

石

棉沈家歲子 化銅溝

紅

土雲台山

鷄冠


石鳳凰山西北坡

礬

石臘木溝西 半拉山

金

望海台山



五湖嘴礦產沿革略

五湖嘴煤礦之開採始於清乾隆時操其利權者為曾充鄭親王家僕陳嘉璟

劉俊二人各由戶部頒龍票一份每份五張照章每票准開一洞洞五人外二

內三限制極嚴然承辦者希出貨之多往往額外開採值官司查禁則賂以金

錢飾詞迴護其礦區則陳東劉西雙方對峙陳界東至三稜山西至界石南至

石西至朝海菴南至台子山北至白家口故有東櫃西櫃東票頭西票頭之稱彼時海運未開所出

煤斤僅供當地燃料乾隆五十三年各國通商煤產銷路甚寬獲利至溥因有

日進斗金之謗兩姓由是富甲一郡遂競尚浮華揮金如土甚至各修戲樓同

時演劇自春涉夏恆三閱月亦云豪矣陳劉身歿其子孫承繼先業浮蕩侈靡

染於習慣並建築老君廟立碑頌德碑立廟內今尚存誇大其詞卒為魏宗貞李言恭

二紳所告發連年爭訟家道中衰今已子孫式微負無立錫地矣嗣有孫天法

李尚志等人乘劉姓窮蹙引丹麥人老雷俄人伊阿遜士科噶以微利攫取西

復縣志略 五湖嘴礦產沿革略

櫃礦權接辦其事置備汽鍋吸水機輕便鐵路鋪張極大聲勢炎炎其結果以辦理不善虧累甚多光緒二十四年日俄戰後工人全體輟業席捲而逃時日人雖有擬為接辦者未果行也繼而東櫃後裔陳柏昌當貧困無聊時為山左人王興源等所賣亦將祖遺礦權與西櫃合租與俄商海滿定期二十五年此華裕公司所由立也不數年間獲利巨萬而擾害地方之弊端則層見迭出民國元年春國會議員馬泮春省會議員王明潛痛利源外溢主權損失乃會同當地士紳王承謨等謀所以挽回之者適于公冲漢司交涉因由奉交涉署擔保立案將該礦區租回以三年為一期期滿賡續租辦年給海滿抽分金大洋九千元遂改組為大業公司以王承謨為經理繼之以徐成鈞高偉最後又推馬泮春出而主持其事三年之間未收實效其中因款項轉轄且與海滿輾轉纏訟幾經交涉幸王明潛等苦心孤詣大費經營未致失敗五年冬馬王二經理以國事勞人不暇兼顧將該公司出兌與曲宗泰等辦理近以出煤甚饒運

轉較便事業發達有蒸蒸日上之勢當陳劉創業時並有高某李某等三人與某宗室有瓜葛親亦曾頌有票據在五湖嘴一帶分區開採惟年代已久遺跡無存此外尚有清宣統時發現之粘土礦經辦數年今已獲利實可與數十年前之煤業相輝映當粘土礦發現伊始有某外人涎之利誘土民之不肖者捏造合同意欲強制開採幸有前農會總理張鑫源募集股分倡率同益瓷業公司出而抵制其謀遂寢民國成立後前大業公司經理王承謨復組設義和粘土公司專以售土為業出產既富獲利尤多義和公司之名遂噪於遠近近來辦理粘土礦者如大東天合成天興大順各公司相繼成立所獲利益雖較輕薄然亦見人民之趨重實業焉

南海岸鹽務源流畧

復邑濱海而於製鹽事業向無經營至清嘉慶時有李君材者經商營口遇山左人姜姓以善製鹽名乃偕歸復縣擇拉脖子地點創築鹽灘岸水晒鹽著有成效於是白家口子一帶亦多做製南海岸之利源乃益發展迨同治朝奉令涵溝一道納錢六吊名曰釐捐灘戶多不承認其時趙公守璧宰吾復屢為灘戶請命事以中止然國家當洪楊亂後庫藏如洗課收鹽稅一事執政者視為要圖於是對於鹽斤嚴頒徵稅之令金復蓋三縣士紳劉文偉韓文弼王膝等代表衆灘戶出而奔走呼號謀取消之策乃陰通關節於駐奉清豈養馬官遂以鹽收稅款涵溝荒廢官馬缺鹽不能肥壯聞於上奉省鹽稅又為之蠲免馬先是咸豐年間某將軍蒞奉變通鹽稅辦法特令殷實灘戶充灘長名目定章每鹽一斗收稅東錢八文嗣以旗民兩署復奉會辦鹽務之命由八文改徵東錢七文時則晒鹽事業漸次擴充各灘戶亦無抗稅者光緒元年六月一日改

由省委專員督辦其事稅率增至二百四成五年春又倍徵為四百八成十五年增至七百二成二十年增至九百六成較光緒元年多至四倍光緒三十年變為庫平銀九分三釐三毫四絲三十三年加徵東錢一吊五百文宣統元年改銀錢兩項合收大洋四角六分二年加徵至一元五角然孫李魏金各姓咸以製鹽起家猶力征經營以鹽灘為利藪也自民國二年五國大借款成立以全國鹽稅為抵押品定章每鹽百斤為一担收稅大洋二元五角因之外鹽輸入日夥影響所及銷路尤覺減輕昔之大好鹽灘今則擱置其恢復原狀正未知何日也

禮俗畧

復縣風俗崇尚樸實大抵敦本而不逐末士少驕秦侈靡之習閭閻勤儉而畏法盛京通志稱有東海遺風頗習禮讓信非虛也縣境南通渤海舊屬山左登萊清初士子應試遠赴山東洙泗禮教灌輸最早故文風之盛自昔著稱蓋其耳目之染濡者久矣少年女子均知勵操行重節義綽楔莪莪前後受國家之旌表者鄉里之間指不勝屈其流風餘韻至今猶有存者如邑南二區廟廬屯趙慶之女字五間房王樹邦為妻未結禡而王以病卒女時二十三歲矢志不再嫁歸王氏守節自稱未亡人今年已四十有四矣又邑東二十里堡屯宋之魯女幼字大尖山屯萬姓子為妻庚子拳禍作夫出無蹤萬姓自請解除婚約女不從以素服歸夫家清苦自持若甚甘心冰蘖者此詎非山川清淑之氣禮義涵濡之深耶以風氣關於地理者言之復縣西南濱海土質瘠薄其民多業魚鹽不高工藝東部則山嶺險峻風氣閉塞民性强悍質多而少文邑人至今

猶以東山溝呼之西北兩部環海而居土田尤磽無高山大川之停峙俗尚勤
嗇其人民類皆謹身率教守法急公而長興島孤懸海中境內物產不足供給
生活人民多出外營商調查城市各商店其執事助手往來自長興幾握全
縣商務之實權他處人民未可同年而語就全境四民計之大抵農居多數士
次之工商又次之又縣民對於衣食住三事崇尚節儉衣服向係自己紡織染
以青藍現因外貨輸入亦間有購者然其色亦必青藍蓋以服用耐久故耳飲
食每日三度其常食為包米高糧小米而以包米為食品大宗副食物為豆腐
野菜之類至粳米白麵魚肉非紳商富戶則不常食平民惟於歲時佳辰或宴
會用之居住鄉間則多土房及草房其覆瓦者不數數觀婦女除旗籍外概行
纏足雖迭經官紳提倡而天足仍未盛行俗尚如此民智可知然以社會之趨
勢應世界之潮流將來必有轉移之一日也普通婦女專事女紅間或自行紡
績但沿海居住之婦女往往視潮汐趨集海濱拾取蛤蜊等類輾轉出售藉以


補助生計其長興島一帶地瘠民貧婦女近多躬親織布者東部山林茂密作蠶事業發達婦女亦多習繅絲此不可謂非閭閻生計之一助也至於婚喪禮儀猶頗近古茲特分列於後方

婚禮 兩姓由人說合猶古之有媒妁男家製備綠布環釧等件諏吉致送女家女家答以絲帶銀錢物事是為下定禮猶古之納采問名也聘定後復由男家繕具婚書並備棗栗片松及錢物實於楹中諏吉邀媒致送女家是為下媒東殆即古之納吉納徵禮歟婚娶之前復由男家擇定吉期間具婚單載男女生造及合婚行嫁一切事宜並以猪酒米麥衣服首飾等物送之女家名曰送日子亦曰過大禮蓋即古之請期亦有合媒東過禮作一次舉行者至結婚之日婿具衣冠車馬行親迎禮迎婦到家就天井中設供案向南行禮俗呼為拜天地禮畢新婦入室坐床名曰坐帳外來賀喜之親戚朋友各出銀錢相贈是云喜儀男家於是日開筵宴客其明日夫婦同拜先祖次拜父母及尊長次拜

親戚朋友之長者各贈新婦以銀錢名曰拜儀此蓋沿古三月廟見之遺意本日婿至婦家帖請女眷赴筵女之姊妹壻姨姑嫂來與會名曰喫三日現在婚嫁之風中下人家往往有索聘資至數百元者然此戶猶秉禮教不以貨財為重也

喪禮 人將亡時以絲線繫碎銀置口內俗謂壓口銀手中實以麥餅俗謂押手乾糧蓋即含玉飯玉之遺意始亡家人持鎖鑰赴社廟返時號泣謂之開鎖於朝午夕餐時家人復赴廟以紙搖曳招魂呼亡者名並以飯水灌地曰送漿水日三往返往但哀悼返則號哭謂之報廟猶古外屋招魂禮也既大殮延僮贊禮成服開帛日三祭獻遵宋司馬溫公家禮然惟詩禮家行之普通人民不爾也亡之三日家人夜赴十字路口焚化紙馬謂之送盤川葬時家人行哭疏者前親者後如古引紼之式葬之壙有槨無槨不等葬後三日家人詣墓致祭謂之圓坟由亡時起每七日家人臨哭謂之燒七七而止或十七而止者

至於葬期則率以三日五日七日間有浮屠不即殯埋者乃有故而然初非惑於風水之說也



宗教表 其一

復邑寺廟約百三十餘處僧人住持居大多數僧侶則殊寥寥道家則以混居道為多回教皆阿拉伯人他族鮮入教者有清真寺一在城西南隅茲經查得其確數分項錄之為宗教表一

教	細目		地	址	處	數	人
	別	目					
佛	教	城	城			三	八
		鄉					
道	教	城	城			八	二
		鄉					
回	教	城	城			四	三
		鄉					

統

計

一八三

六四九

備

城北屏山古廟有喇嘛名能玉者然僅一人故本表未為列入

考

宗教表 其二

耶教之有天主耶蘇基督猶佛教之有大乘小乘也名稱雖異宗旨則同茲就傳教復境者分別登之為宗教表二

堂	別目	細設		立	司鐸姓名	教民訴訟案件	辦理規章	教民人數	
		地	址					年	月
天主堂	縣城	前清光緒二十二年七月	一	紀若翰	無	逐日講經勸善	七六	四一	二七
耶穌福音堂	縣城	前清光緒二十二年四月	一	蓋雅谷	無	逐日講經勸善	一六二	四〇	二〇二

統
計

基督教堂

瓦房店

民國三
年五月

三

一
王書紳

三

無

逐日講
經勸善

二
三八

八
一

三
九

古蹟畧

復邑地濱於海城繞於山邊塞荒涼素稱瘠土然自遼金建置至今歷年云遙詎無一二著名勝蹟供人憑眺徒以邑乘素闕攷證無由未免為稽古者之憾茲就省志所存鄉人樂道者掇拾而臚列之作古蹟志

永康故城 清一統志作今復州治遼置永甯縣為復州懷德軍治金大定七年更名永康元廢明設衛於此按明一統志復州衛在都司城南四百二十里又盛京通志作金改永康為復州倚郭縣

永甯監城 在復州城北五十里明永樂五年設遼東苑馬寺七年建城置監於此隸苑馬寺嘉靖十四年苑馬寺卿楊最以石甃之至萬曆五年重修城周二里二百五十三步有門三東曰寅賓南曰日永西曰聚泉全遼志載明初設監六曰昇平新昌遼河長平安市永甯苑二十四曰甘泉安山河陰古城夾河龍台耀州駝山黃河沙河馬鞍山城平川新安廣安平山南豐高平

長川名山復州龍潭清河深河後俱廢惟存永寧一監清河深河復州名山
四苑

德勝廢縣 遼置屬復州金廢舊址無考

歸州城 遼置歸州觀察領歸勝縣金廢按城北九十里有土堡曰歸州城舊
隸復州今屬蓋平縣

歸勝廢縣 遼置屬歸州金廢為鎮舊址無考

橫山縣 相傳在城南六十里建置年月無考

得利羸城 一作德里英城城東八十里得立山之上元季土人避兵所築明
初置遼東衛治此後徙入都司城中曰定遼後衛明吳立招撫遼東駐此

廢復州衛 明洪武十四年置在城內今廢

嵐崗關 城南六十五里明設闕於此今土堡尚存

真武橋 舊在城東門外今無考

東明太子陵 明一統志載城東十里有明山高勾麗王之子曰東明葬其上

今墓址無考疑即城東二十里之東屏山 通志作東明王墓

土城子 城東一百八十里

公王壩橋 一名三姓橋城南八十里東西橫亘數十丈相傳昔年為宮王巴

三姓所築故土人以公八王橋呼之 通志作公王壩橋

土城 城南門外相傳高麗所築今只南面有遺址可考

孛蘭堡 城南九十里今作普蘭店

北清渡橋 城西南四十里

楊官堡 城西三十里一門上有石刻曰羊官堡 通志作楊官

歸化堡 城東二百里已圮

鹽場堡 城南八十里南一門

五十寨堡 城北六十里週一里一百二十六步一門

花雲祠 花雲明時人生於懷遠死於太平後其子為復州衛僉事於本衛建祠今已廢

吳姑城山 在縣城東一百二十里山之陽有古城一座現已傾圮山中有佛寺一明總鎮李成梁建修俗傳當隋唐之間有流寇郭思文者倡亂其妹吳郭氏因入山為尼建立此城以防不測後思文為唐所滅因名之曰吳姑城山

扳倒井 扳倒井村在縣城東南六十里村東有井一穴洞欹斜水向外流故名相傳唐太宗征高麗至此欲飲馬以汲水維艱遂將其井扳倒說雖附會然亦不為無因

刺溝 在縣城東南六十里有一種棘樹其刺直銳無倒鉤相傳唐太宗征東至此龍袍為所掛破遂曰此處棘樹不准再生倒鉤故他處棘有倒鉤此獨無之好事者多往驗之而信

松泉寺

在城東香爐山寺後有古松一株枝幹盤屈如車蓋寺側有古井一泉水噴湧溢出井外日夜不息寺之得名以此

魚骨廟

在縣城南八十里郭家屯東其廟樑以魚骨為之長八尺餘徑五寸許不知創於何代

龍泉寺

城西南四十二里在望海寺後即明時之洪門寺相傳明時僧衆盤踞於此肆行劫掠後為官兵所焚其地有古井四眼並有山門地窖遺址可考

石城觀古松

石城觀即望海寺在二區界內三面皆山獨缺其南天然門戶儼擁石城一座觀東偏有巨石一平滑如砥古松屹立於石隙之中不留餘地詢之土人舉莫道其由來信千百年舊物也

點將臺

點將臺在橫山之陽依山砌石高二丈許望之屹然頗稱形勝相傳唐尉遲敬德所築

車廠 橫山東南麓近海之地曰車廠清道光十九年英輪停泊海洋由奉調派官軍作堵禦計一時集車至數百輛之多以此得名當時所築礮壘其遺蹟尚有存者

高麗塋 車廠之東有八岔溝溝北土阜突起高約一丈上有古墳四圍鏤以石灰砌墳之磚皆刻花鳥紋附近之地曾發見高麗古錢甚夥相傳為高麗王侯之墓云

燈塔 橫山之巔舊有燈塔八面玲瓏高拂雲霄相傳為唐將尉遲敬德所建以備航海之用清康熙間崩倒今僅有敗瓦殘磚在焉

石穴古棺 橫山西近海處懸崖峭壁人跡罕至上有石穴內停朱漆棺木一具漁船自海中來望之可見舉莫知其由問數年見有杯盤等物陳列其處故頗為堪輿家所重視云

東西二井 長興島長嶺村有東西二井相距不過三步東水甘西水鹹井東

有菩薩廟內貯鐵刀一口重八九十斤相傳由東井得來詢其事實故老亦無能詳

黃山石城

黃山在長興島東南近海處一名大孤山險峻異常上有石城惟由東北可達其中峰尤峭拔曰點將臺南有古井一井口鑄有天王字樣俗傳唐時姜興本據山為王處山陰有三義古祠不知建自何代祠西南隅有明萬曆三十二年庚戌重修碑記碑左古柏參天亭亭如華蓋今尚存

駱駝山

在縣城西北三十里形如駱駝為縣境最高之山山巔有磨刀石一凹痕猶在并有古井一每至春時韭菜繁植其上相傳唐時尉遲敬德曾駐兵於此每當天氣清明之際登臨其上西可望錦縣東可望治城北西兩面下臨大海往來船隻均准此山以辨方向焉

棒捶石

駱駝山南麓有巨石一形如棒捶上粗下細直立地上高及丈許故以為名

長壽山 縣城西北約三十里有長壽山在梁子山石砬子南橫鑿官祿山豎鑿長壽山六字跡深尺許石花斑剝不知何代所鑿相傳此山前後之人多壽至九十餘或百餘歲者

鐵樹 縣城西北西屏山東阜有廟曰寶林寺相傳唐尉遲敬德子寶琳建修寺前古樹一株不辨何名枝幹枯勁無皮葉亦不朽叩之錚錚有聲約已歷數百年土人呼之為鐵樹斫其屑燃之有異香人或取之以治病輒效現寺僧視為神物保護甚力

人峰 城北二十餘里俗名猴兒山上立天然石絕肖人形手足耳目畢具最大者高至丈許清同治時忽失其首說者謂堪輿家之狡獪云

薛禮碑 龍潭山東楊家屯房後有古碑一今已斷為三截字跡模糊相傳薛禮征遼東時士民感其德為立此碑

永豐寺唐塔 永豐寺在縣城外東南隅寺為明永樂時唐琮所建院內有明

天順時重修碑記佛宮西向殿宇巍然寺後有唐塔高矗相傳於春分秋分前後日夕陽西下四山皆黑佛頂猶見日光遂附會謂佛頂圓光特著靈異或又謂當日落後於南門外石橋佇立東視餘光一點紅射塔尖為異常光彩然其景俱不經見實則永豐寺地勢高聳塔影凌空當日夕時回光返照一抹晴霞掩映奪目天然圖畫信佳景也

按永豐夕照為復縣八景之一

西屏曉月

西屏山在城西北二十里一區界內高數十丈長十餘里橫障若

列屏故名西屏頂平坦如砥廣袤數百畝又曰西平山渤海在其西北相距約十二里每當春秋望日前後雲斂碧空侵晨登眺極目海天則見一輪曉月吞吐波心如跳珠如沉璧較之他處其大可及數倍云

按西屏曉月亦為八景之一

蓮花泡

蓮花泡在縣城西南三十里二區界內為附近村屯水流匯注之區

面積八里許中有蛟窟冬時堅冰厚三四尺往往一夕穿裂成渠入夏則荷

花盛開清香四溢邑人乘興往遊盪舟其中每以為消遣納涼之所

按水泡荷風亦

為八景之一惟現經阜豐公司報頌開渠
洩水成田所謂天然風景已缺其一矣

龍潭 龍潭山即得利山在縣城東北七十里一區界內元時土人避兵築城

其上盛京通志所謂得利羸城是也山極高峻城以內有古潭面積僅畝許

外四週為石基中有石墻南北壁立界水為二東水值旱乾僅四尺許西水

色青黃深不可測或投以穢物波翻若沸秋風起時葉落水面經宿輒堆於

岸上沍寒結冰其裂紋皆成草木花卉形狀潭上有龍王廟禱雨輒應云

潭靈異亦為八景之一

龍口泉 龍口在縣城西南一百里二區管界長興島內長嶺子村東南其近

海處兩山夾成大澗澗盡有泉出石壁間粗若巨桶狀類龍口南流入海經

二里許清冷甘冽寒沁齒牙嚴冬不冰經歲不竭故人咸異之

按龍口甘泉亦為八景之一

橫山 橫山為復邑鎮山盛京通志載稱橫山縣所由名者以此其山在縣城

西南一百一十里長興島西南隅二區界內綿亘十餘里縱列南北二峰北

峯有唐塔遺址猶在故又名塔山南峯尤高峻西臨渤海值清明日登臨思眺隔岸八百餘里如錦縣諸山其大小高低歷歷在目南望五島及金州諸山亦一覽可得隱約間並可望見榆闕形勢云

按橫山遠眺亦為八景之一

象棋飛山 象棋飛山又名孤山在縣城東南百二十里三區界內山形圓大多石上平坦其西南有巨石一方面積四五丈鑿象棋盤式行列斜疏留有棋子數枚可轉動不可挪移相傳有仙人枰戰於此樵者觀奕如王質故事

因爛柯馬 按爛柯遺跡亦為八景之一

溫泉 溫泉俗名安波湯在縣城東北一百二十里四區界內錫頂山前山有聖母寺一其碑記為前清乾隆三十六年五月建修寺前隙地出溫泉蒸氣如釜騰熱若沸邑人患風濕及癬疥惡瘡者一浴其中疾立愈無遠近無冬夏競趨赴之土人今於其地築塘隔別男女以備分時就浴既獲醫療復敦禮俗人尤便之

按溫泉濼垢亦為八景之一

附縣城四景

東城木欄磚 縣城建於前清乾隆四十三年其東甕城門外迤南牆垣高及二丈許他磚皆橫一磚獨立且巨以二木欄之今百四十年木猶未朽也

南城鏡兒石 迎恩門外迤東墻垣每值天朗氣清之日俯墻面而眺之則見白光團結如鏡蒸騰如絮波紋晃盪如綺皎如水銀淨如玻璃一時不可方物土人以墻之發光也故因以鏡兒石名焉

西城竹子石 縣城內垣四周係用巨石砌成其西面石多異樣紅質黑紋作竹子形者約十餘方枝幹亭亭不雕不琢如出畫師之手內一石尤肖者已被人竊去今無存

北城鷄鳴地 在北城甕圈內相傳於其中以足蹴地成聲不外散隨聲而應若鷄鳴然今試之已不驗矣

附煤窑八景

一古臺遺址 在南台子山有唐人所築之烽火臺一處

一西廟曉鐘 在窰西小龍山前有朝海菴相傳秋冬之交就近居民於破曉時恆聞風送鐘聲悠揚可聽

一海市幻影 在窰之西南拉脖子海岸夏日常現幻影農人以吊籠或龍取水目之

一稜山雲笠 窰東有三稜山時有雲覆其上如戴笠焉

一神泉水異 在三稜山之陽有磐石一上有隙痕二深二尺許久旱不涸連雨不溢汲之亦不竭云

一仙洞怪石 三稜山前有巴狗礁山山有洞洞內怪石甚多

一東峯夕照 窰東有桃兒山夕陽西下紅光返射自遠望之殷然有致

一南圃荷風 南圃有荷花池內植荷芰甚多當盛時葉圓如蓋花大如盤薰風南來蕩漾漣漪其名勝不減蓮花泡也

祠廟表

復縣祠廟建自明清者為多產則公私參半焉茲就調查所得者列之

名稱別

所在地點

建設朝代

官私

產基

址

廢改備

考

先農壇

南

闕明

官

二畝

存

苗圃附

孔子廟

城

內明

官

二五

存

關岳廟

城

內明

私

一

存

舊作關帝廟民國四年關岳合祀改稱今名

文昌宮

城

內明

官

二

改

附設第二國民學校

魁星閣

城

東南隅清嘉慶

官

一

存

建築城上

龍王廟

北

闕清

公

三

改

附設第四國民學校

財神廟

城

內明

私

五

改

附設第一國民學校

永豐寺

南

闕明永樂

私

四

改

附設第三國民學校

城隍廟

城

內明

私

七

改

附設縣立中學校

復縣志略 祠廟表

九聖寺	永甯寺	興隆寺	龍泉寺	準提菴	潮水寺	永安寺	興隆寺	永祥寺	天齊廟	玉皇閣廟	三官廟
化銅溝	北營子	西廟山	楊樹房	李官村	邢廟屯	洪家屯	興隆山	永甯監	城內明	玉皇閣明	城內清
清嘉慶公	乾隆公	道光公	道光公	乾隆私	乾隆私	康熙公	乾隆公	乾隆私	私	私	康熙私
一	一	三	二	二	一	一	二	二	三	三	三
存	存	存	存	存	存	存	存	改	存	改	存
								附設警察一區公立初等學校		附設廣濟國民學校	

龍泉觀大房身明

東寶林寺大古井唐

石佛寺楊樹底清乾隆

寶山寺鑛洞山清乾隆

靈應寺東陽台明

西寶林寺西屏山唐

伏龍寺莫甲屯清

德聖寺傅家屯清

普雲寺喇嘛廟清

天仙宮大溝口清

抱山寺韓家廟清

山風寺廟溝清

公

私

公

公

公

公

私

公

公

公

公

二

一

一

二

一

四

一

一

一

一

二

存

存

存

存

存

存

存

存

存

存

存

復縣志略 祠廟表

背陰寺東平山明公

朝陽寺曲家屯清嘉慶公

觀音閣四川溝明公

平安寺雅化屯清公

龍王廟大四川溝清公

向陽寺金斗房清官

得利寺和尚屯清乾隆私

龍泉寺蔡大房身清康熙公

龍潭廟得利寺清乾隆私

朝陽宮金家屯清乾隆公

佛爺廟楊樹房明嘉靖私

關帝廟馬圈屯清雍正私

一
存

二
存

一
存

二
存

一五
存

二
存

一
存

二
改半

一
改

一
存

二
存

二
存

歸併勸學所

附設公立初等學校

附設鄉立學校

八蜡廟 廟 嶺清嘉慶私

龍泉觀 龍泉觀屯清康熙私

聖母廟 錦屏山清乾隆私

觀音廟 金家城子清乾隆私

玉皇廟 玉皇廟屯清乾隆私

天后宮 娘娘宮明萬曆公

石佛寺 石佛寺屯清康熙公

蟲王廟 石磊子清雍正公

藥王廟 潮頭清道光公

真武廟 羊官堡清乾隆公

菩薩廟 温家廟清乾隆公

藥王廟 鑛子山清同治公

一 存

一 存

二 存

二 存

一 存

一 存

五 改

六 存

一 改

一 存

一 改

五 存

附設國民學校

附設國民學校

附設國民學校

菩薩廟長嶺子清乾隆公

聖母廟石反窰子清嘉慶公

永順庵三堂清乾隆公

菩薩廟咬子嘴清乾隆公

地藏庵地藏庵屯清道光公

羅漢廟羅漢廟屯明萬曆私

龍王廟道士屯清乾隆公

藥王廟藥王廟屯清乾隆公

老爺廟太平莊清乾隆公

三義堂大孤山明萬曆公

環海寺塔山明萬曆公

老君廟煤窰清道光公

八改附設國民學校

一三改附設國民學校

一五存

五存

五存

一八存

八存

一八改附設藥王廟國民學校

六存

九存

七存

三存

波雲寺廟 頭清嘉慶公 二 改 附設兩等國民學校

三官廟雲台山清乾隆公 二 存

三清宮高家大屯清嘉慶公 二 存

觀音閣黑靈山清道光公 二 存

望海寺蔣家甸子清嘉慶公 二 存

娘娘廟蓮花山清道光公 一 存

老爺廟崔家屯清嘉慶公 二 存

永勝寺大夫山子明嘉靖私 二 存

保國寺小賈家屯明萬曆私 一 存

向湖寺老爺廟村清雍正私 一 存

龍母廟廣文屯清雍正公 一 存

玉皇廟孫家屯清咸豐公 一 存

復縣志略 祠廟表

潮海寺 石洞廟 清嘉慶公

天王廟 蚩蜡廟 清康熙私

朝陽宮 嵐崗山 明私

三義廟 嵐崗城子 明萬曆公

永壽寺 前二十里堡 唐私

聖水觀 三家子 清道光公

闕帝廟 前二十里堡 清雍正公

興龍寺 廟溝九龍山 清乾隆私

慶音寺 富家屯 清康熙公

龍泉寺 嵐崗山 私

大士庵 石灰窰子 清乾隆公

天台山廟 小賈家屯 唐貞觀公

一

二

一

一

一

二

二

二

二

一

一

二

存

存

存

存

存

存

存

存

存

存

存

存

復縣志略 祠廟表

清源宮	白雲山	明嘉靖公	九	存
三官廟	白雲山	明嘉靖公	一	存
瑞雲寺	雙龍山	明嘉靖公	七	存
聚會庵	羣仙山	清乾隆公	一四	存
清泉寺	羊兜溝	清乾隆公	五	存
寶泉寺	大王溝	清道光公	一	存
興隆寺	聚龍山	明嘉靖公	七	存
松泉寺	香爐山	清乾隆公	九	存
清泉宮	廟兜溝	明萬曆公	八	存
闕帝廟	侯家甸	清乾隆公	九	存
玉皇頂廟	玉皇山	清嘉慶公	一	二存
太平宮	花兜溝	清乾隆私	一	二存

清泉宮 水門子 清嘉慶公

盛水庵 永平山 清康熙私

二聖廟 七星廟 清道光私

娘娘宮 福兜山 清乾隆私

聚泉寺 蓮花山 清嘉慶公

清泉寺 尾巴山 清乾隆私

望海寺 栗子寺 明正德私

聚仙菴 小寺 廟明萬曆公

倒坐觀音 回龍山 清乾隆私

太陽宮 二塔子山 清乾隆私

雲溪宮 道士溝 清乾隆私

太山宮 一拉塔 清乾隆私

一五 存

一三 改

五 存

六 存

一六 改

一 存

一五 存

一四 存

一八 存

二 存

一八 存

三 改

附設保衛三團二駐所

附設警察三區二分所

附設警察四區駐所

報恩寺	寺院	溝明	正德	私	一五	存	
太平觀	采采	嶺清	乾隆	私	一六	存	
朝陽寺	廟	溝清	乾隆	私	一三	存	
雙泉寺	安波	湯清	光緒	私	一六	存	
龍鳳寺	三台	山明	正德	私	三	改	附設保衛四團駐所
清泉觀	于家	店明	正德	私	三	存	
王母宮	天台	山清	乾隆	私	二四	存	
龍泉宮	對鳳	山清	乾隆	私	九	存	
聖水庵	蟠龍	山清	乾隆	私	九	存	
雙喜山寺	楊家	溝清	乾隆	私	八	存	
龍門寺	萬家	嶺子	清乾	隆私	七	存	
福泉寺	土門	子清	乾隆	公	五	存	

石棚廟 萬家嶺子 清乾隆公

關帝廟 蒿子房 清道光公

朝陽觀 鳳凰山 清乾隆公

義勇祠 附設天齊廟 民國七年公

節孝祠 內清乾隆公

六存

五存

一存

四存

四存 民國八年重修

說

右表列境內祠廟計一百三十四處舊設為多惟義勇祠節孝祠二者一係新建一係重修按義勇一祠創於民國七年為警團以身殉義而設焉查節孝祠於清乾隆六十年創建中日甲午之役燬於兵燹迄未修復民國八年經官紳倡議募資重修以勵風化

明

人物畧

語云十步之內必有芳草十室之邑必有忠信復邑地雖偏僻士生其間多能以功名文學自見而隱居篤行者亦往往有之類而存焉後之人其可聞風興起也矣

鄉宦

明

徐庠嘉靖三年任衡水縣知事

孫侍祖字蓮泉原籍山東嘉靖年間入復州衛學隆慶時聽選監生萬曆時出為益陽府教授

清

巴海顧爾馬渾子歷任吉林甯夏等處將軍治兵嚴肅有名顧爾馬渾別有傳高希祖字繩武號蘭軒縣屬永隸屯人乾隆乙酉拔貢歷任直隸平山山西絳

縣聞喜猗氏等縣事居官清正惠政甚多

王贊字聖恩縣屬民家屯人乾隆時拔貢出任保定府定興縣訓導歷十五年嘉惠士林樂育後進定興人至今稱道之

薩拉布巴爾虎旗人韓姓住城西巴爾虎屯乾隆時授驍騎尉子哈力口於乾隆十一年授驍騎尉尋以有功於國擢岫巖佐領章京

徐作霖字雲莊沙河東崖太平莊人嘉慶丙子舉人已卯進士初任國子監學正改選甘肅禮縣知縣歷署山丹寧靜等縣事居官勤慎有循良聲子大年字介眉丁酉拔貢考授宗室營官學教習旋署直隸南宮縣事未及任而卒著有東崖詩集姪彭年字子錢歲貢生候選訓導

徐賡昌優貢生充覺羅官學教習以知縣用歷署四川大足雙流綿竹等縣事所至有聲

徐延年字子壽號桂堂歲貢生充清宗室學教習以知縣用歷署直隸平谷滿

城等縣事著有菊坡詩草

胡殿弼字翼廷沙河西崖大胡家屯人咸豐時歲貢生出任為直隸鉅鹿縣學教諭一官二十餘年深饜士心

徐賡臣字韻初又字仲皋號東沙城東太平莊人伉爽有志節文才尤美學使李新塘黃莘農龔西園等均器異之登己酉拔萃科廷試第一觀政工部供職虞衡司咸豐壬子癸丑聯捷成進士入翰林文名藉甚柏靜濤相國孫蘭檢侍郎慶雲舫尚書羣以公輔期之在詞曹試輒首列散館改官知縣出為直隸肥鄉縣令抵任未期年值蝗蝻災賑卹饑民政聲大起會丁外艱終制後不復謁選至河南從張繡岩辦理鹽務丁卯復應鮑春霆軍門之聘入戎幕劃策大破賊於尹澧河擢直隸州加知府銜賞戴花翎己巳回籍主講橫山書院一時文風丕振如陳登瀛張家翰李青雲王翰香皆其高足弟子君為學博涉經史工詩古文辭議論不落凡近居河南最久嘗遊蘇門登大任

覽太行王屋之奇勝足跡所至輒發為歌吟著有斯宜堂詩稿

張延緒字柳堂南關人同治辛酉拔貢壬戌副榜朝考知縣歷任直隸南樂沙河威縣唐縣南皮等縣所至有政聲加運同銜曾文正督直時專摺保荐循良公罕南皮值歲祲請賑不數典質官囊以繼尤喜獎拔文士有張正堦者年十八領鄉解公所得士也尋以積勞歿於任所南皮民感誦至今猶呼為張青天弟延宗子家璠均歲貢生延宗別有傳

張延宗字子城歲貢生性清介操守甚嚴曾為本邑橫山書院監院嗣以本班選授直隸正定府晉州訓導未滿任而歿士林悼之

張甲善歲貢生字乙峯以候補知縣投効直隸頗為上流所器重派辦保甲以勤慎稱末期年積勞身故

張家翰字屏侯光緒乙酉拔貢以善書稱出為安徽泗州州判歿於任所

李青雲字義園歲貢生才華俊逸工書法篆刻墨水畫尤佳以本班選用晉州

訓導歿於戶任所

王靜壽字仁山長興烏人嘗東渡日本畢業於士官學校旋入聯隊實習學成歸國歷任奉天南京北京各處講武堂教員暨保定府軍官學校教員民國二年秋升授吉林軍署參謀三年夏應廣甯二十八師之聘任為一等參謀兼軍官團長保升陸軍上校其軍事智識為各將帥所嘉許未展所長而歿識者哀之弟靜綏字慰民北京軍需學校畢業生

張恆昭縣屬謝家屯人同治時拔貢考取某部小京官子靈恩光緒癸酉拔貢任工部郎中孫家駿亦授外官

劉銘鼎縣屬劉家屯人光緒間授都察院僉事

孫文璵字璞山光緒間充本縣捕盜營外委後出任為江蘇昭文縣主簿歿於任所

那文銘字新三復州正藍旗人由附生報捐通判分發直隸熱河歷任灤平建

昌朝陽等縣事光緒三年升署平泉州知州勦辦盜匪頗著勞績後得保以知府用

陳大文字燕昌長興島人北京法政學校畢業生補授直隸某縣知事在任病故弟祖蔭字筱樾北京殖邊學校畢業生

李樹聲住南極屯光緒己卯舉人歷任浙江浦江麗水等縣知縣

鄉賢

清

于玟字子美長興島人乾隆時庠生慷慨好義於社會公益事每不惜資財以襄其盛鄉人重之孫晶一字子昭庠生

曲湏字川水長興島人乾隆時庠生詩文皆有法度弟漢子成範均入武庠族孫德明字俊卿因島內水賊時起曾以督辦鄉團肅清地面得獎

孫德先字慎卿城南三姓橋人道光壬辰舉人大挑一等以知縣用家居不仕

晚年移居玉皇廟王家屯屯東為往來通衢地勢窪下路途泥濘每至夏秋之際車馬行人輒遭顛覆陷溺之苦公引為己憂提倡鄉人修治平坦由是往來便利至今稱盛德焉

張蓬萊字仙洲廩貢生南關人好義急公究心地方利弊遇公益事尤熱心贊助南城門洞至石橋下年久路失修募資不足以獨力濟之又西海岸居民以毀船事株連甚多曾力為申救有獲免者晚年家居不履城市應任長官仰其德望輒造廬諮詢政要馮子繼昭武庠生振珂附貢生孫家翰光緒乙酉拔貢安徽泗州州判

孫敬如字公右同治時庠生以採掘煤礦致富性和平鄰里有爭鬭者勢不釋將成訴訟君至力為排解無弗息者盛德感人有王烈陳寔之風馮堂弟式如員外郎別有傳

孫式如字鈺亭城南三姓橋西孫家屯人納資為員外郎秉性剛方勇於任事

遇地方利害每與長官侃侃抗議不屈不撓光緒庚子日俄戰役起縣境盜賊充斥鄉民竄避君聯合興豐兩社倡辦團練嚴明賞罰一時稱為勁旅焉相傳孫氏先人積德至厚每年春夏交發窖藏以賑貧民遇凶歲則倍其數累世奉若家訓至君踵行益力今其後人猶習以為常子以芾被選為清資政院議員別詳選舉誌

劉志廣字鴻儒城西巴爾虎人庠生讀書樂道不求聞達生平訓戒子弟以讀經為本有朱柏廬治家之道風

宋鵬凌字程九城西宋家屯人庠生品敦學粹冠於當時弟鴻凌字彩亭子聯琦字子開均庠生並有文名聯琦曾充諮議局議員

張熙孟字麗郊又字麗東張鑑子國學生秉性慈厚其持己尤敬恭生平不作一戲語雖獨處如對嚴師幼年力學一本庭訓鄉舉累薦不售遊幕奉天歷就書牘教讀席凡從學子弟一經薰陶多成純謹士後以助賑獲獎州同銜

著有學庸圖考四子類語辨似考綱類編等書遭亂散佚長子儕字蒼山歲貢生次子際字阜臣光緒丁酉拔貢

王廷閻字景和城北泉水村人為胡佩緒門下士學純行方不苟言笑其為學注重經史於制藝心薄之嘗曰讀書貴明理必於聖經賢傳探求實際身體力行方是希聖希賢途徑若僅以八股見長不過口頭滑稽實則有文者未必有行也心性和平處事公正鄉里咸推重之子治溥有學行孫明潛字亦昭省會第一屆議員

王治典字徽庵同治四年庠生城北泉水村人品端學博樂育後進門下士成名者甚多

李殿臣城北關人嘗獨力修建北門外石橋一座鄉人念其義為立碑以榮獎之

王永邦字經齋五胡咀王家屯人行聖公府書寫官辦理團練保衛地方並設

立義塾延師教授貧寒子弟卒年七十子德正字聖功克繼父志孫蔚卿字
觀畧測繪學堂畢業考試優貢充測量局製圖三角科班長以孝友稱年二
十五積勞病故時論惜之

孫盛傳字省吾恆記屯人品純學富遇人和藹有謙謙君子之風光緒間曾充
凝社社長辦理鄉園嚴防盜匪著有勞績勸捐學款尤出力鄉人重之

鄒耀春字潛昭邑庠生學問優長入泮後以舌耕為業性誠樸尤敦孝行鄉黨
賢之

孫永言字次卿南關人性謹厚學純行端不苟言笑隱居教授務在敦品鄉黨
中以道學重之

鄒迺昌字海門體貌豐偉膽識兼優曾為縣署刑科掾吏鮑州牧士到任內邑
人王雲令鄭廷春以紳花戶納賦不公聚眾雲台山與官府抗爭聲勢洶洶
君隨州牧往諭挺身入險勇於任事一時推許晚年以吟詠自娛著有夕遲

書屋詩草

鄒乃家字建甫庠生充廣社社長及商會總理興利除弊為商民所信任
曲永謚字靜山庠生長興島人曲湏四世孫品學兼優鄉人賢之子紹士字靄
堂庠生孫宗海字子蘭師範理化科舉人

武勇

清

顧爾馬渾旗人世襲雲騎尉康熙年間署護軍時逆賊劉同軒作亂於浙閩洛
陽橋等處公率兵勦平之尋雲南賊衆何繼祖王弘勳黃草壩逆賊王有功
張光先以及偽將軍胡國秉劉振隆等相繼起衅地方騷然悉為公所平定
清高宗稱其智勇兼全累戰有功後由京撥充復州正紅旗防守尉遂籍隸
復州

花良阿復州正紅旗兵自盛京移居復州城西喇嘛廟村嘉慶時授二等待衛

擢為先鋒參領以驍勇善戰聞

烏林太復州廂藍旗人道光時任錦州佐領以勇敢聞晉封昭武都尉

錫令阿字建堂復州正黃旗領催歷任盛京驍騎校防禦佐領等職咸豐時任金州協領牛莊防守禦

張繼照字筱明武庠生候選都司南關人精通武術膽略過人咸豐時教練鄉團整肅有規鮑士釗州牧任內西海盜至督隊堵擊勇往直前斃匪無算地方賴以安謐

韓憲忠一號邊外城西北駱駝山下人少時性黠獷膂力過人鄉里中有問其志者輒曰伐罪戡亂拓地開疆帶礪山河勛銘鐘鼎此固大丈夫立功萬里之所為也於同治年間輾轉入吉林樺甸縣之夾皮溝適溝裏發現金礦乃力征經營得為工人之首領威惠兼施羣情愛戴儼然一部落之首長日人以秘密國稱之光緒間以病死孫登舉字子井有祖風年二十六佩前清守

備印尋值拳亂起出任某軍統領撫恤士卒人樂為用與俄人轉戰有工事後解職仍歸夾皮溝練勇自衛於採金事務享有特權

高希祖長興島三堂村人咸豐五年夏海盜橫行君率眾抵禦奮勇當先卒以深入賊羣眾寡不敵臨陣而歿官民哀悼為立碑以表其殉難之義焉

周濱前清把總於光緒三十一年帶領捕盜營勒擊土匪勇敢當先臨陣而亡曹祖培州牧於盛家山為之立碑以昭勇烈

孫芝芳山左人賦性勇敢投軍關外充本邑保衛三團團丁民國六年夏匪劉傳善嘯聚賊眾盤聚三團白山前梨樹底村君隨團隊往勒逼近賊巢天已昏黑風勢大作君獨奮勇爭先奪門而入遂戰死焉亡年二十有八入祀義勇祠

許榮德城東人充三區二所警士民國三年夏大盜宋雲峯猖獗於三區境內分所巡官帶警堵勒許與馬擊斃匪一名奪獲槍彈各件乘勝追捕遂至遇

害入祀義勇祠

王君五城北人民國四年服務於警備隊奉令赴東拉子下密探匪首王友三蹤跡與賊接談業得其情未及回報為賊人識破因以遇害輕生探險身歿賊窟亦勇士也歿後入祀義勇祠

于風聲本縣人民國三年夏隨四區區官在鷓窩勒匪奮勇先進擊斃盜首宋雲峯旋被重創殞命六年夏義勇祠成立君從祀焉

莊振東本縣人充一區警士民國六年夏派往化銅溝保護鑛務適有胡匪郎成順等多名由古道綁帶孫姓人票一起路經其處為君偵悉挺身截鬪眾寡不敵遂至被害六年秋附祀義勇祠

李承旭本縣人素以勇敢著充四區二分所警士民國七年九月隨同巡官擊匪於礮房村天已屆晚對射多時生擒一匪並奪獲大宗贓物乃以兵單賊象夜復昏黑不相辨竟致戰歿年二十有六入祀義勇祠

孝友

清

李元漢大房屯人清乾隆間附生性至孝其母病癱親侍湯藥十有七年未嘗稍懈每值母怒必和顏勸慰至釋而後已素精岐黃中年以醫術名凡貧病求治者輒施捨藥資無吝意壽至八十無病而卒

孫維藩大房屯人嘉慶間附生事親至孝色養備至族中有貧不能婚嫁者公慨然解囊周給之

劉得禎字德三住城南歪頭山前清嘉慶時人事親以孝聞幼時讀書師嘗為之講孝經輒廢寢食至身體髮膚一節及庶人之孝一章竦然曰吾以為孝道高且遠也既如此何難為及長講求農業謹身節用不數年置田數十頃其一生所獲之髮所脫之手足指甲等皆貯弗失歿時囑家人置棺中蓋守不敢毀傷訓也

王長修道光間庠生學粹品端其父德豐因公獲譴歿於戍所公聞訃徒步數千里舁柩歸葬省憲嘉其孝行以匾額旌之

劉潤玉字子美城南歪頭山前于家屯人生平以孝友聞年及六旬雙親在堂視膳問寢躬執其役未嘗稍懈嘗設葦園書館教授多年其弟潤方淺通字義好閱孝經潤玉常召至館中詳為解釋人稱為葦園講孝漸染日久方曰人以孝經當書讀我輩當以身作孝經使子侄等有所觀感當孝經讀蓋得潤玉化導之力也潤玉性勤儉衣無寸帛食不兼味鷄鳴即起洒掃庭除其傭工所居之室潔淨齊整勝於貴族之客堂舉家六十餘口男不飲酒女不吸烟兒童無喧嘩鬥罵之習里人尊之曰子美先生

張振珂字佩卿附貢生天性誠實恭以持己生平不作一戲語閒居獨處如對神明尤篤內行事親克盡孝道父歿至終喪不茹葷酒每食必祭事死如事

生焉

張振峯字靜浦庠生天性純篤事繼母以孝聞為學博極羣書考核精確生平言行不苟人尤敬慕之

楊基瀛字筱州增生楊樹溝人品學兼優遇事持重教授多年工於啟迪事母以孝聞嘗取中裙廁諭親自沅濯鄉人稱之

周元德住城南關父歿事母至孝居無屋食無業依大姓墓廬棲止以乞食為生風雨無間有所得則以精潔者遺母己食其粗糲母嗜菊百計求之以博其歡此蓋庸人之有至行者也

朱作堯玉皇廟村人與弟作舜皆業農天性肫篤友愛無間出入必偕飲食與共孔懷之形老而彌篤鄉人賢之劉星黎為之作傳

義俠

清

胡佩緒字紹庭城北民家屯人恩貢生學行為士林所崇仰喜任事道光二十

四年章鞠人州牧創修書院邵騰雲所捐公地被豪族侵佔道光三十年君與孝廉劉祖堯激於義憤出而力爭致釀命案涉訟提省公身繫囹圄歷二載餘備嘗艱苦志不少屈至咸豐四年經張振之學使查明具奏昭雪得釋並撥原捐歸公書院經常的款賴以恢復君之力也至今論者感誦不置

邵騰雲城南板橋人家資殷富慷慨好施道光間章鞠人州牧創設橫山書院嘗慨捐巨款以良田若干項值約二萬餘金者充作公產士林至今猶稱述之

劉祖堯字譜唐城東北三墩台人道光丙午舉人大挑二等以橫山書院公產被侵事與豪族涉訟後卒得直詳見胡佩緒傳中

林泮池庠生城南林家屯人性剛毅學行與胡佩緒相埒橫山書院一獄泮池亦在牘中人並稱之

王雲令東荒地瓦房人鄭玉春沙河崖鄭家屯人均以俠義稱咸豐時鮑士釗

州牧任內以冊地兌米折錢額外浮收花戶邑民爭鬪走聚雲台山推二人為代表與官府抗議絕誘執二人送省獄繫累年事解釋歸邑人至今每快談之

王繩志字紹喬城東廣文屯人廩生尚任俠性倜儻自喜以公益事抗訟與王長修之父德豐同罹法網遣戍西省處之晏然以詩酒自娛至配所後設帳授徒多所成就賴弟子力得歸歸後風骨不少貶損嘗賦詩以見其志人爭誦之所著記序甚多半散佚

張毓靈字芝生東磴人庠生光緒五年六月海水溢田無麥禾居民嗷嗷君赴州請賑得紅糧二百石不給則出家藏玉蜀黍百石繼之附近飢民賴以存活又以邑東地近海口時有海盜登岸搶掠因倡辦團練以為戒備地方以安族弟輔庭字寅東體操專修畢業生

李士儀字少譜南極屯人庠生光緒甲午之役地方盜賊遙起君提倡鄉團不

辭勞瘁一方賴以保全維新之際本邑創設學校籌款維艱君熱心捐款曹祖培州牧重修縣城復樂輸鉅資以襄其事弟樹聲光緒己卯舉人弟士俊堂兄士瀛均庠生侄津林廩貢生壇林庠生虎臣鼎臣均武庠生靖北京中學畢業生端北京大學畢業生現任奉天高校校長以學行重於時

連承基字紹先城東四平街人優貢生器宇軒昂意氣激烈光緒戊戌變政遊學日本畢業於警察學校歸國後鑒於清政腐敗蓄志改革歷充奉天憲政學堂講員吉林自治籌備處委員宣統辛亥革命軍興君由吉辭職南走山東誓師烟台響應武漢南京政府成立任為山東魯軍總司令共和告成魯軍遣散授陸軍少將加中將銜宋教仁被殺案發二次革命起於南京承基仍欲占領烟台為闕外軍根據地謀洩被逮壬子七月遇害年三十有六

于允隆字蘊中城東大楊樹房人性剛正果於任事民國四年土豪姜習文為四區區官勒索民捐一鄉科派至萬五千餘元鄉民大譁允隆出與抗爭偕

同志張輔庭林長青等訴諸官姜忿甚亟圖報復伺允隆赴真武廟宿夜入其帳以利刃齧切之張林詣省控究得直捕姜伏法苛派取消鄉人義之

文學

明

戴聖惠少穎悟博極羣書過目不忘明末時父復魁攜遷上元父卒依從兄聖聰學聖聰時任登青菜副使適金復二衛學移附萊州聖惠遂入掖庠由恩貢為新建令旋辭官寓濟甯講授生徒雖盛夏冠裾肅然既卒鄉人私謚之曰文莊

清

金瑜字聖恩城北榆樹房人乾隆時拔貢名重一時

趙玉瑚字全美乾隆時廩生才思精敏博通經史時人有才子之目弟玉璋字奉義庠生

何大川榆樹房人邑貢生工詩古文辭吐屬風雅英敏過人才名一時大噪
韓仕階乾隆時人住城東八丈碾子村驚才絕艷聰穎過人年十四入邑庠次
年補廩饑生十六拔貢某學使以翰苑先聲譽之士林一時有韓五車之目
趙連字繹弇嘉慶丁卯舉人少時力學不倦而姿性頗鈍從山左趙露軒讀課
藝不佳師引大焚之令自戩氣味訶使退學君經此刺激發憤攻苦披誦無
所夕三月後以文進師大加嘆賞許以必售後果登賢書為名儒後之學者
每舉以為法

孫大有字書豐城北民家屯人為邑名宿嘉慶間里居設帳成就甚多一時弟
子有朱士選趙士忠高芝丁銓諸人復邑耆儒以教授著名者先生為最早
韓果邑貢生學問淹貫為邑中名宿子雲行字子雨恩貢生侄雲瑞字錦川光
緒乙卯舉人兄弟文名一時並重家學淵源士林豔之

谷藟之庠生城南老爺廟人子鷗亭孫庚方均增生世以教授為業一時士子

顯達者半出其門父子祖孫均精通音律亦美才也

宋儒程字景伊庠生城東二十里堡人為學虛己求益常師事山左福山庠生劉儒英得其講授之法以名宿設帳課士來遊者戶限為穿其立教也以躬行實踐為本有詩書白說風行一時子翼經字博庵庠生訓誨後進孜孜不倦有父風邑人士推為文章泰斗焉

黃履中字伊和第大中字正齋城東黃家溝人均庠生性恬逸淡於榮利兄弟友愛並有文名

馬延齡字錫九城北馬廠人庠生品行端謹學術淵深一時知名士如張振甲劉振鐸高雲峯楊基瀛諸人得其薪傳皆為秉鐸良師遼陽進士張平格亦其弟子性醇厚篤內行母老年多病淹滯牀榻延齡親侍湯藥衣不解帶者數年任維清字寅堂歲貢生學問德行與叔齊名

孫世謙字六吉號蓮溪以行書名於時家居設帳從遊者甚衆子德輿字海亭

工書法亦士林之翹楚也

于鼎一庠生原名日暄字子昭詩賦皆有聲子恩元字湛卿庠生性行清介克繼家學隱居教授一以實踐為歸嘗曰致用莫如力學成才貴先立品惟因學校廢經私以為憾年近八旬課士論文猶娓娓不倦恩元子寶榮亦庠生蕭憲章字乃斌號蘭笙世居岫巖西南蕭家泊時岫未設學遂占復縣籍入邑庠由優貢生仲同治九年庚午舉人十三年甲戌成進士即用知縣籤分廣西弟翰章字墨園庠生三弟麟章字書春戊午舉人四弟奎章字紫垣五弟鴻章字紫綸均庠生兄弟五人蜚聲藝苑並有文名一時有蕭家五虎之目子恩善優貢生岫巖籍

葛泰源原名人龍字樵溪恩貢生學問淵博工詩古文辭著作宏富舉孝廉方正弟雲龍字南廬歲貢生襄龍字相樵庠生學業文章兄弟濟美一時士林有諺曰蕭五虎葛三龍紀家二弟兄三龍即謂氏昆仲也

紀雲衡字蔭棠又字湘巖優貢生候補教諭弟雲嵩字壽巖恩貢生候選州判
學業品行並為士林所推重有紀家二弟兄之稱雲衡子鳳翹字健高任
府經歷充聚凝鄉自治議長雲嵩子鳳翹字仙舉附貢生被選為省議員辭
職不就鄉人高之

張振甲字乙青歲貢生性行豪邁志氣倜儻為學勤苦自勵博極羣書兼習武
術嘗以刀劍自隨設帳於遼瀋為久文名與榮可民劉春煊房仲南諸人相
埒書法尤精到學者得其片紙隻字珍如拱璧馬弟振綱字紀庭歲貢生歷
為晉楚滬魯各督撫幕賓亦名士也子時宗字林五宣統己酉拔貢朝考以
知縣用次子時和字志平庠生

張文瀾字筱川號一鷗庠生幼聰慧負奇氣兩應鄉舉不售棄去遊幕燕趙間
為文一宗經史考據精確駢體亦工雅惟於章牘偶用之工書法出入歐趙
兩家與馬錫九葛蕉溪兩先生友善君性抗爽不避時忌言行皆率真遇鄉

鄰失和以片言折之爭立解次子竹字爾耕以試用知縣入庫倫辦事大臣副都統德麟幕卒於差次

徐炎南字丙陽庠生城南嵐崗山人號嵐陰居士少從宋景伊先生遊得儒家傳授勤於講學娓娓動人至老不倦

李鶴豐字子飛長興島人廩膳生才華富麗文藻新穎每試輒冠其曹一時有雕龍繡鳳之譽又善啟誘後進教授於遼瀋間所造就者甚衆光緒時西海馬家咀布船遭風許彭齡州牧請兵圍勒島民君與洛會東于寶榮等出而抗爭被逮解省經年始釋時人義之

劉振鐸字子翼號東里咸豐三年入邑庠性恬淡不慕榮利在昌圖奉化遼源等縣教授四十餘年造就人材最多著有課藝存草子銓甄字公樸庠生宋椿林字楓亭城東陳家屯人恩貢生學問醇粹家居教授成就甚多通武術與潘振川弟兄齊名曾充橫山書院監院子文泉字汝淇庠生

陳登瀛歲貢生字子韶性倜儻不羣才思靈敏文詞斐疊書法最佳入爽台南道尹幕有聲嗣充東邊木稅委員

劉星黎字少序原名潤庠城南玉皇廟人邑增生少孤求學刻苦為李鶴豐得意弟子中年教授工於誘掖張家璠即出其門下光緒二十九年被舉為豐社社長辭不就居恒以種樹養魚飲酒吟詩自遣不樂仕進有隱士風著有管窺錄

周之翰字西林庠生抱河口人性謹厚貌古樸尤篤內行隱居教授以培植德器為先務文詞樸實一如其人

高星奎字聚五庠生性耿介學問純實子偉字鑄齋亦庠生

那寅清字虎宸正藍旗人光緒壬午舉人學問文章為一時所推許

曲殿金字庚西長興島人庠生才氣豪邁於經史尤有根柢

張日永字震青廩生學問淹博教授於海龍寬甸間及門多知名之士

潘振川字少瀛城東潘家屯人歲貢生文詞豪放為一時學者所宗仰弟會川字宗海恩貢生選某縣訓導未及赴任而卒兄弟皆通武術會川子鈺魁字其相宣統己酉拔貢生書法工絕

隱逸

清

盧世鐸字警堂號白石長興島人有文名隱居不求聞達攻美術學為圖畫大家工於山水繪石尤擅長其指墨見重於世性耽吟詠以詩人稱清微淡遠宗法盛唐著有白石山人集

李步雲東平山磊子下村人嘉慶間貢生品學兼優淡泊明志晚年陶情山水飲酒賦詩有瀟灑出塵之致年八十餘無病而卒

于華春熊岳人占復縣籍庠生才氣敏贍下筆數千言性疏放隱居教授不慕榮利工近體詩著有綠雲山館詩賦文稿士林爭傳誦之其墨水畫尤奇特

好作醉鬼無目人問之則曰世之有目者有幾其傲世肆志類如此

周應麟字子厚號方谷邑南園子外人少負意氣屢試不售遂決然捨去著有
主敬訓務本訓增補易經萊註八卦分類廣象說唐罄蘊方谷古今地圖沿
革等書晚年境益困然操守甚嚴不以一介苟取後進禪報恩寺有士子詢
以心得答曰而今悟得波羅密秋色春花一樣香尋無疾而終年六十有一
張俸字經池隱於城市精堪輿學相地外輒從事吟詠一時名士如張乙青陳
笙伯多與之倡和著有經池詩草六卷子悅齡字樂民曾充縣會議長長子
鑫源字睦堂曾充農會會長

徐樹年字月溪進士作霖第三子放情山水不求仕進尤嗜吟詠著有瘦柏堂
詩集晚號月溪老人子石臣善畫

于家相字襄周性謹飭篤內行事親以孝聞家居訓蒙不問世事藝菊吟詩有
隱人風致

藝術

清

曲克文字煥符城西北屏山人同治二年庠生以風鑑名於時

李浩年字豐廷城東南窩落人操醫術甚精僑寓省垣時就診者悉應手奏效於堪輿星卜諸學亦有經驗世以此重之

王士仲字連三武庠生精通武術以拳勇稱長矛尤擊刺得法年八十許望之如健兒

李貞仁字保庵庠生性恬靜才力過人詩賦文字無不佳妙工音律善絲竹繪畫尤所擅長為一時美術家之冠

邵連元城北民甲屯人精工工程學為著名梓人光緒時修旅順軍港名聞中外子仁年庠生

流寓

後唐

胡嶠同州郃陽令石晉末陷入遼為蕭翰掌書記因居復州凡所經行記之甚悉

清

張鑑字澄之號鏡川山東萊州掖縣附貢生於五十歲時避亂携眷來復遂家焉幼時家貧力學僮自喜書法規摹趙子昂尤嫻繪事遊幕四方足迹歷豫皖江浙湘漢川陝順直諸省在川蜀幕中省憲以苗亂勘定將用君名入保案君恥因人成事力却之中年以詩酒自娛遠於醫踵門求治者日不暇給尤喜獎進士類老年猶有執經請業者所著古今雜體詩賦策論醫方彙編等稿均未及刊燬於兵火子熙孟次子文瀾別有傳

阿帝阿原籍瀋陽與其子塔克什阿相繼任復筆帖式因寓居焉

方外

明

釋惠成縣城外東南隅舊有唐貞觀尉遲恭監造寶塔一座洪武時因塔旁創
建觀音堂以惠成主持之

釋善通號曉明襄平人永樂己亥江西都司唐琛謫為復州衛指揮使慨捐己
俸因觀音堂改建佛殿奏准賜號永豐時本衛無僧呈奉遼東都司劄付僧
綱司公舉法師善通為寺住持於成化己丑圓寂

釋行朗號性天遼之襄平人幼有智慧蚤年剃度於廣裕寺副都綱道圓門下
正統五年至京奉僧錄司劄住永豐寺住持景太四年都指揮董珍鎮守臨
襄等郡重修永豐寺工竣由行朗募資勒碑江右劉監為之記

釋印海號納川遼左三韓故家子也精通內典深契宗風正統時住持永豐寺
弘治二年重修殿宇添設山門山東商人李方捐施鳴鐘一口法鼓一控並
募資勒石郭敬為之記

釋永明格姓徐明正統時住持永豐寺隆慶四年重新觀音堂及伽藍祖師兩

廡創立鐘鼓二樓嘉靖二十六年創修門橋萬曆十一年重修正殿均有碑
孫侍祖為之記

釋義秀永豐寺僧嘉靖三年與僧祖旺各出錢幣重修本寺郡人徐庠為之記
清

釋傳和康熙二十四年興修永豐寺蓬萊石琮曾為之記

釋傳賓廣東惠州府歸善縣人康熙四十三年雲遊來復棲止城南秀龍山募
資建修玉皇廟閱七年告成

釋應元俗姓周城北永寧監人崇信釋教康熙四十八年初建永祥寺

釋化凡乾隆八年重修東岳廟乾隆二十二年城守尉舒書增修闕帝廟化凡
與有力焉

釋同安號清太俗姓徐江蘇揚州府江都縣人少失恃遭蘆衣之變流落關東
年十八至復州西海娘娘宮依僧正司普聖長老座下為行者長老見其恪

守清規命詣京師之禪柘山岫雲寺傳授法戒歲餘歸大闡宗風專修功德
時永豐無住持清太以一人兼兩院職務囊無私蓄友愛同門檀越多稱道
之山左孫秦思為撰功德碑

釋界川號慈海俗姓湯江蘇徐州人咸豐時掛錫來復歷於二台溝玉皇頂黃
旗大屯各廟棲止道行高潔禪林重之

列女畧

山川靈淑之氣原不擇地而鍾復縣雖稱荒僻然建設已千餘年鄉賢名儒而外女士奇行實有不容泯沒者國史所登輿論所重並採而彙登之亦劉更生傳列女之遺意也

賢淑

清

張思齋妻杜氏邑南關人持家嚴正生五子各授以書季子蓬萊卒以科名顯年八十州牧鮑覲光額其閭曰實婺恩光以紀實也

張恆妻劉氏年十九歸恆歲餘恆死遺一子天民家寒以得母家兄弟助免饑餒天民每廢學輒涕泣訓督之後天民游庠乞廣文陰振猷為其母立傳見藝文志

王國良繼妻洛氏年二十二歸國良時國良已病狂數月即死氏立志守貞上

侍翁姑下撫前室孤子俟其成立以續宗祊邑人王麟振歎為有夫直如無夫無子不殊有子同治三年請旌立碑如例

胡宗文妻王氏宿儒王廷閻女相夫教子具有閭範鄉里咸欽重之

張豫升妻曲氏住橋西張家壩年二十一歸豫升豫升父有風疾轉側需人氏日侍湯藥咸豐三年春大疫其姑及夫相繼歿時氏年二十九子謙福未週歲二女亦俱幼含冰茹蘖者數十年清光緒中請旌立碑如例

張偉妻孫氏年十九歸偉未二載即喪所天無子家又貧甚時姑已逝翁猶在堂遺一夫弟方五歲氏撫育之奉養甘旨竭盡心力未幾夫弟亦殤氏恐翁生前失養與其死後之血食斬也乃勸翁繼娶翁晚年生子宗祀得以不墜鄉里歎其賢

萬寶山妻宋氏住大胡家屯其母家住後二十里堡未及嫁庚子之役夫寶山從軍外出翁茂春商令改適時氏年二十七堅執不從請於其父子魯歸夫

家守節迄今已歷二十餘年之久云

連錦榮妻張氏連積功之祖母十五于歸夫歿後撫孤勵節以誠大義稱有傳
詳藝文志

王廷彦妻劉氏住泉水村城北葦子套劉某之女貞靜不佻年十九于歸治家有法孝道克盡中年夫歿遺四女無子繼侄治濤為嗣撫育周至然課之讀則不少寬假子以成立家亦小康卒年九十餘鄉里賢之

義烈

清

修善甫妻于氏于廷尊之女聰慧明大義十七于歸事親以孝夫亡哀痛切至家人知其必殉或勸之婦曰上有翁姑吾何敢死繼聞有欲奪其志者遂自縊死年二十五見女士奇行傳

侯志仁妻林氏幼有志操夫死以他人有異議從容投繯死年二十一見女士

奇行傳

李永明妻羅氏夫死家貧其兄欲令改適氏不可強之乘夜投井死死年二十四事在道光十七年二月見女士奇行傳

陶成女五姐幼許王攸德為妻未嫁婿以病亡時女年十七聞耗欲奔喪守志父母堅執不允乃自縊死清乾隆間附近二百餘村為立烈女碣見女士奇行傳

曲明德妻子氏邑增生于圻坦女能詩文其賦孤鴛鴦一絕云失伴鴛鴦鳥哀鳴不肯休盍投東海死免卻一天愁其矢志貞潔可概見矣年十七歸明德明德旋病三閱月而亡遂作絕命詩一章投繯以殉詩曰高堂切莫再傷心生死存亡各有因奉養翁姑伯與叔淒其閨闈影和身貧生言語皆貞節老死冰霜孰假真百歲徒存無所事何須強作未亡人嘉慶七年正月三日事聞於朝旌表如例一時人士以詩悼之傳有輓和集

趙承德繼室王氏住扛草甸子村夫亡自縊以殉清道光十七年鄉人為之請旌勒石

赫桂雲妻浦氏夫亡誓以身殉家人嚴防未遂後防範少懈竟投繯死道光二十七年鄉人為之立碑

崔吉升女雲香住城北東北窰幼字朱連成為妻未嫁夫亡年甫十八聞之遽仰藥以殉光緒三十一年里人為之立碑

孫保元妻白氏與夫保元同庚年十九未嫁而保元訃至女齧斷一指適婿家成服事翁姑如禮卒以哀毀致疾而亡邑紳孫德先等為之請旌立碑如例

王學禮妻馬氏城裏人以完節稱其孫王殿卿妻陳氏以殉節稱

有傳詳藝文志

李鴻勳妻申氏長興島下屯人申學山之女年十九于歸未及三載值民國八年夏虎疫大作鴻勳染之暴亡氏素稱孝敬至是痛夫情切誓以身殉夫葬月餘伺家人疏防竟投繯焉邑紳張時宗等為之援例請旌

完節

清

徐成業妻孫氏夫以病廢家計賴氏紡績度日生二子一女相繼殤成業一痛

而卒氏營葬如禮終日負薪風雪中賴以自活里人咸以苦節稱之

詳見藝文志傳

連兆泰妻程氏年十八歸兆泰生子秀而兆泰卒及秀長為娶媳韓氏生三子

而秀又卒家境益貧氏以勤儉營生媳韓氏亦克盡婦職後姑媳均以壽終

吳慶升妻王氏住臺子前村嫁未四年夫慶升遽歿遺一子尚在襁褓家復析

居氏惟以紡績自給如此者四十年鄉人高其節於嘉慶朝刊石誌之

楊薛氏住城東關少年孀居苦節自勵里人於嘉慶十四年為之立碑

張元母住安波湯村道光元年里人立碑表揚其節

于宗道妻葛氏住三台子村守節多年里人於道光元年請旌如例

連元之妻李氏李文彩次女城南興社一甲人十七歲歸元之二十歲生子述

越八月而元之亡撫孤守節廣文范公為請旌表於道光三年立碑

洪曲氏道光五年在城南立有節婦碑

達明阿妻李吳氏住蒼家村夫亡守節始終不渝道光六年里人為立碑誌

溫趙氏道光十三年在城南立有節婦碑

吳南氏道光十四年在城南立有節婦碑

何長玉妻孫氏住曲家店年二十六喪所天矢志柏舟清道光十六年子永皋為立碑誌

佟慶林母道光二十四年在虎頭山下立有節婦碑

李邦氏住蒼家村嫁七載而孀矢志柏舟以兄子傅明阿為嗣道光二十六年請旌立碑

王世欽妻李氏住長興島後曠子山矢志柏舟鄉人於道光二十九年為之立碑請旌

傅阿左妻那氏住三台子村道光三十年旌表立碑如例

洪佟氏孀居苦守以侄為嗣咸豐元年在城南立有節婦碑

蒼松阿妻那氏住石佛寺村咸豐四年里人為之請旌如例

婁經妻武氏住島內桃兒房年十六歸經逾五載夫亡家貧無子以伯氏子為

嗣長養教誨有賢母風娶媳于未數年而子又死兩世孀居惟持針黹度日

咸豐元年里人為之請旌如例

蒼車布妻劉氏住石佛寺村咸豐六年鄉人為之請旌如例

張永祥母住安波湯村年二十六夫歿柏舟勵節矢志靡他咸豐六年里人為
之刊立碑誌

吳克什妻馬氏住臺子前村三十歲夫亡遺子女各一家貧力持勤儉課子耕

讀賴漸小康清咸豐六年旌表如例

蒼劉氏住小馬家村其子景安於咸豐七年為之請旌如例

楊廷蘭妻曲氏住長興島前礦子山二十五歲夫歿遺一子志聖氏矢志柏身以至於老咸豐戊午年請旌如例並立碑於前礦子山

李唐氏住蒼家村少年夫亡撫二子各使成立里人敬其節於咸豐十年為之請旌立碑

札藍布妻子氏住二龍山蚩蜡廟後村嫁七載而夫亡氏撫養孤兒心力交瘁後其子永祥成立於清同治二年呈請旌表並立節婦碑

艾新布妻趙那氏住石拉子村幼年守節志行清白於同治三年請旌如例高蘭妻王氏住長興島後礦子山同治三年里人為之刊立碑誌

徐天道妻曲氏住地藏菴十九歲歸徐越六年夫亡氏上奉翁姑經營家計艱苦備嘗於同治四年鄉人為之請旌如例

祁慶功妻韓氏住溫家村年二十七夫亡矢志守節清同治五年其子振光呈請立碑如例

左佩妻子氏嫁八載而夫亡氏矢志柏舟苦守清節壽至八十九清同治六年於一區左家村立有碑誌

曲永宗妻王氏住下堡子村守孀教子備歷艱辛同治九年請旌立碑如例
高宋氏住大高家村守節三十餘年由歲進士葛人龍於同治十年為之請旌建坊如例

劉郝氏住大劉家村貧而無子守節四十餘年其族侄銘鼎於同治辛未年為之請旌立碑如例

劉高氏住大劉家村光緒己卯年請旌立碑如例

吳虎立妻傅氏住臺子前村二十六歲夫亡衰翁在堂子女均幼未幾而翁亦歿門戶蕭條氏內外支撐歷四十載家道賴以小康清光緒七年鄉人為之立碑

溫高氏孀居撫子清白可風光緒八年在城南立有節婦碑

傅殿英妻吳氏住三台子村光緒九年鄉人為之請旌如例

鮑氏住馬家村夫亡無子守節數十年繼堂侄桂清為嗣光緒十年里人為之刊立碑誌

吳良模妻張氏住邑南關庠生張瀛東胞妹年二十一歸良模未八年而夫歿子敬所方三歲一女尚在襁褓越年餘而翁又逝世氏上事髦姑下撫孤弱支持門戶節凜冰霜者三十餘年光緒九年同鄉官內閣中書李口口為之請旌如例光緒十一年於望城崗子道東立有節婦碑

李縑妻韓氏住長興島李家村年十九歸縑夫歿之後矢志柏舟備歷難苦光緒十二年氏壽九旬子士琚例賜州同銜為之稱觴祝嘏鄉里欽其節行立碑以表揚之

吳永學母趙氏住達子營幼年守志大節凜然光緒十四年里人立碑為誌
韓馬氏住城南關光緒十四年里人為之刊立碑誌

吳唐氏光緒二十年在城南立有節婦碑

傅石氏光緒二十二年虎頭山下立有節婦碑

由士春妻樂氏住長興島頭道嘴子村夫亡守節子威雲於光緒二十三年為之請旌立碑如例

由士美妻張氏住長興島頭道嘴子村二十四歲夫亡守節子杏雲賴以教養成立鄉人於清光緒二十四年為之請旌立碑如例

閻連德妻王氏住三台子村光緒二十七年立有節婦碑

王衍緒妻孫氏住王家窩堡二十四歲夫亡守節大義凜然光緒三十三年里人為之請旌如例並立碑於小北海

張爾明阿妻吳氏住石佛寺村幼歲孀居柏舟全節光緒三十四年請旌立碑如例

應學中妻張氏住長興島三道嘴子村二十二歲守節其子希琳於宣統元年

請旌立碑如例

劉殿清妻張氏住蛟子嘴西嶺宣統二年為旌表如例

伊榮妻王氏二十二歲歸榮二十六歲夫亡無子遺有孤女一年僅二齡氏以教以養為之擇婿以節婦賢母稱清宣統三年在一區劉家屯立有碑誌

徐步垣妻趙氏夫亡撫孤守節歷四十餘年蘇知事鼎銘於民國四年十二月呈請褒揚如例

曲永吉妻潘氏住曲家店夫亡撫孤子成立娶媳子復夫逝遺有寡媳祁氏相依為命族人敬其志節於民國五年為之立碑

盧德鄰妻姜氏年三十二而孀苦志守貞治家教子各有禮法民國六年由其子業平立碑為誌

王陳氏住裴家村嫁七載而夫亡撫嗣子成立民國七年其夫弟王德正為之立碑

王佳氏邑南雙台人滿州正白旗烏爾登額之媳諾穆渾之妻嫁數年夫卒家
故貧拾遺秉為生所居屋圯則穴草而處出行時偶遇男子即避不與言一
衣三十年不易學正陰振猷為之立傳見藝文志

張肇平妻李氏城東抱河口山嘴人年二十一歸肇平二十八夫亡無子遺一
女矢志柏舟夫弟肇紳為請旌立碑以彰貞操

李士明妻尹氏住南極屯尹琢女十七歲于歸越十年夫亡守節年近七旬而
歿其子桂林為之請旌立碑

徐中和妻韓氏住永甯澗西沙包子村年十七于歸十一年而夫歿遺一子三
女子方六歲氏撫孤守節三十餘年民國六年夫弟中桂邑紳吳敬所李中
書等為之建立節婦碑

張延緒繼室景氏住城南閩年十九于歸二十一而孀守志撫孤飲冰茹柏者
四十餘年鄉里咸敬重之

張家英妻焦氏嫁一載而夫亡無子遺腹生一女氏節勵冰霜三十餘年如一日鄉人甚欽重之

張宋氏住前二十里堡名儒宋翼經長女嫁未三載而夫亡完節以終卒年已四十餘矣

張曙明妻袁氏城東抱河口山嘴人年十七歸曙明二十一夫亡遺子女各一氏撫孤守節年逾六十鄉里重之

邵萬全妻曲氏住城南老爺廟曲復安女年十九歸萬全越十年而夫亡遺子女各一子芳年甫七歲氏撫孤守節鄉里賢之

張延齡妻慕氏南關人中年夫亡氏撫孤守志節勵冰霜者四十餘載鄉族賢之
劉雲卿妻張氏張家駮女住城東拉子山年二十一歲歸雲卿二十六歲夫亡越三月遺腹子國英生氏撫孤成立鄉里賢之

張尹氏張才楨妻尹文奎次女年二十歸才楨逾三載夫亡無子繼夫弟子為

嗣苦心守節年已六十鄉人重之

宋復清妻曲氏十九于歸越二年姑亡遺幼子幼女氏善視之又三年夫亦亡子甫三歲氏撫兩世孤恃十指為生積其所得辦婚嫁者三四值歲稔家益貧拾草田間以存活卒無怨悔

採奇行傳

呂丕業妻蕭氏十八于歸越七年夫亡遺子女各一氏矢志或勸改適不從將強奪之氏氣色凜厲不可犯夜不息燭恆以死具自隨三十餘年無一刻懈事翁姑仍以柔順敬謹著聞

採奇行傳

王汝貴妻連氏二十于歸四年生一子未百日夫染疾不起以孤子相託氏泣應之數日子忽夭夫亦繼歿家窘甚或勸之改適怵以危言氏不為動既而繼子娶婦生二子四女繼子又死氏撫育孫男女了婚嫁事均賴十指以攝擋家計屢空晏如也

採奇行傳

蓋成德妻程氏于歸七年夫以客出謀生死於外遺一子聆氏撫孤御寡恒不

舉火卒賴十指所積為子授室鄉人咸哀苦之 採奇行傳

劉豪妻姜氏年十七于歸夫歿後遺子三與伯叔同居氏事翁姑撫諸孤各有矩範晝夜操績佐家作苦每逾格梯媿或憐而止之則曰兒輩尚孱弱無能聊以為伯叔分勞耳鄉族多敬仰之 採奇行傳

朱德明妻王氏德明長子天成妻姜氏次子天開妻王氏一姑二婦均亦完節見重於時有傳詳見藝文志

王肇源妻田氏邑人十七于歸夫亡守志不渝有傳詳藝文志

曲宣妻甯氏甯璽妻周氏陳功偉妻甯氏兩世三人完節可風有傳詳藝文志

徐節婦韓氏貢生韓守基之女及其次婦谷氏兩世孀居以完節終 有傳詳藝文志

劉生惠妻潘氏嫁六年而夫卒舉遺腹兒幼殤繼猶子甫娶又死安於義命茹

藥哺荼四十餘年無喜色亦無戚容

貞孝

清

段法姚妻宋氏夫卒時將自經以殉時翁姑年老家無次丁號泣勸諭氏遂遵命守志家素貧窶以紡績奉親繼一子婚後病狂氏待之一如未狂日也

呂淮妻李氏豐社人十九于歸三年夫亡無子奉侍孀姑矢志不再醮母欲奪其志氏涕泣言曰兒去姑何以生必欲相迫有死而已家貧常斷火以野菜和糠壳為食卒無悔心族人為繼兄子廷舉為嗣

採奇行傳

吳海令妻趙氏住臺子前村十九歲歸海令閱十年夫歿時舅姑年老家無次丁氏孑然一身以婦而兼子職孝養備至守節六十餘歲貞孝可風嘉慶三年勒碑旌表如例

趙力金妻邢氏住三家子村十九歲歸力金閱四載夫亡子甫二歲其姑又老氏奉姑撫子備嘗艱辛三十餘年如一日鄉里賢之於嘉慶二十四年請旌勒碑如例

趙成喜妻李氏住楊家村十七歲歸趙三年夫歿家徒四壁時姑歿翁在夫弟尚幼氏矢志柏舟備極艱苦厥後翁葬弟長家道漸豐悉出其力清道光元年奉旨旌表為立貞孝坊

孫連元妻李氏住橋西孫家村十七歲歸連元二十歲夫歿時生子述甫八越月氏孝侍尊嫜撫育幼子悽苦萬狀族黨皆心憫之邑貢生朱士選等於清道光四年為之刻石表彰其事

孫王氏住城南關撫孤守節孝養翁姑道光十年里人為立碑誌

都趙氏住馮家村二十三歲守節家貧如洗奉養寡姑克稱賢孝道光二十年鄉人為之立碑以誌

朱吉明妻劉氏年十七歸吉明十九歲夫亡遺一子尚未彌月翁姑衰老家貧無以為活惟恃氏紡織針黹以為生氏上事雙親甘旨無缺撫孤兒俾至成立持家守節凜然可風同治甲子春鄉人為之請旌立碑如例

吳林升妻石氏住馬園子村十九歲歸林升二十歲夫歿守節三十餘年矢志靡它葬姑娶媳治家有禮同治五年里人勒碑以表其節

孫車妻祝氏住橋西孫家村十九歲歸孫閱六年夫歿時翁姑在堂遺子女各一襁褓甫離氏上事雙親下撫弱媳各盡其道年七十而終鄉人重其事於同治九年請旌立碑如例

邑庠生張海涵妻馬氏二十二歲歸海涵未五年夫亡氏矢志柏舟始終不渝復能上孝翁姑下撫幼女年七十而卒鄉人賢之於清光緒五年在一區杜家莊立碑為誌

梁豐年妻李氏年十九歸豐年閱五載夫以病歿遺一子未及三歲舅姑復衰老氏矢志柏舟孝養備至清光緒六年在一區焦家店立碑以誌

孫德備妻張氏住橋西孫家村十七歲歸孫生子女各二歷九年夫亡事翁姑以賢孝聞鄉人欽其節清光緒七年為之立碑以誌

劉邵氏二十八歲夫亡奉姑撫子孝慈兼盡光緒十年於城北盛家山立有貞
孝碑

鄧連芳妻邵氏住園子外村二十一歲歸連芳二十三歲夫歿無子事繼姑最
孝獨處靜室三十餘年如一日其繼子延宗克自樹立於清光緒十三年為
之請旌

朱于氏住馮家村十九歲于歸未半載夫亡家貧如洗翁姑衰老且無子嗣氏
立志守貞事翁姑至孝鄉里賢之光緒十四年公請旌表並為立碑以誌其
行

趙煥章妻馬氏住趙家村二十二歲歸煥章十八歲夫亡氏上奉翁姑下撫幼
子家計雖微而孝養備至子既長教以耕讀俾克自樹立寡居三十餘載矢
志靡他鄉人歎服於光緒二十年為之請旌立碑以彰節孝

孫培槐妻王氏廣社人庠生王奇季女十九于歸二載夫亡氏撫孤孝親各盡

其道里人重其節孝為立碣馬探奇行傳

王貴妻子氏住裴家村十七歲歸王夫亡後家貧以紡織度日姑年老孝養備至宣統元年其甥俞希聲並邑中商紳為之立碑以彰貞孝

何奎壽繼室李氏住何家村二十歲于歸前室有遺兒未週歲撫如己出及氏年二十五奎壽溺死遺一子方二齡氏鞠育兩孤堅貞勵節復上事兩世高堂以孝行著宣統二年請旌立碑如例

王趙氏趙錫慶女住五間房村幼受王姓聘婿樹邦年十九未婚而歿女聞之一慟幾絕寢食俱廢並指天誓曰願為死婿作生妻婿家以其志氣堅決迎之歸時女年二十有五及至夫家幽閒貞靜事姑最孝族人重之清宣統二年請旌勒碑以彰其德

金由庚妻子氏居金家城子村年二十七歲夫病歿奉翁姑盡孝教子有方歷二十六年矢志柏舟未嘗稍懈民國七年由程知事廷恆呈請褒揚如例

魏永達妻張氏居花椒島魏家屯年二十六夫亡孝事祖姑撫侄為子苦守二十七年鄉人咸敬重之民國七年由程知事延恆呈請褒揚如例

王德善妻陳氏居五湖嘴煤窰王家村年二十二夫亡善事舅姑鞠育遺子子既婚而歿氏復撫孫成立年六十八歲而終民國七年由程知事延恆呈請褒揚如例

劉茂妻于氏名璵玉城南歪頭山前于家屯人年十九歸茂生有一女二十六夫亡越三月生遺腹子潤德守節撫孤事親以孝及子潤德長成甫婚忽中狂病然幸生一孫名汝漢劉姓嗣續賴之以延人謂為苦節之報年八十八以病卒

劉高氏附生高星奎女縮脖溝劉九令妻二十二歲歸九令二十七歲夫亡上無翁姑下無子女居近盜藪每嘯聚則姦掠橫行氏孤身無依聞警輒露宿山野艱險備嘗冰霜勵節晚年遷居城中依其父母值親病則侍奉倍至及

父母相繼歿氏一痛欲絕與夫之兩侄析居已久氏悉為完婚並將已產分給之今年已六十餘矣

李文成妻王氏住白沙洲村二十四歲歸文成未逾年而夫歿上有翁姑下無嗣續家徒四壁生計維艱氏矢志柏舟始終靡改事老親以賢孝著旋繼生子國裕為子教之誨之以至成立現年六十七歲鄉人咸敬其節孝焉

鄧延令妻穆氏十九歲歸延令二十二歲夫亡無子女姑歿翁老家計甚窘氏以柏舟自矢事翁以孝理家以勤近復為繼子完婚鄉人咸稱為能識大體也

孫張氏邑南關人孫克保妻知縣張延緒遺腹女年十五時值母病劇醫藥無效女惶駭甚習聞割股療親事伺家人不覺潛割臂肉寸許和藥以進母病頓瘳

楊鑑妻駱氏及其從子丕成妻謝氏從孫基塏妻張氏從孫楊濱妻石氏一門

四人孝義節烈有傳詳藝文志

宋尺妻高氏高禮女子歸五年夫疾危殆以老母終養託之夫歿事姑備極孝
順夫兄元以己子清修嗣之里人欽其貞靜焉採奇行傳

趙貞女趙桂氏滿洲正藍旗人幼失恃父客外依祖父母許字鑲白旗傅察玉
安為妻玉安病痼風久不愈且日劇其祖父母謀離婚以安女投書女家女
矢志從一以義自持祖父母為之請期夫家於道光己亥七月十九日成婚
禮焉採奇行傳

